





唐書合鈔

五十一之四

十八



內閣文庫	
番號	漢 9019
冊數	80 (19)
函號	290 108



唐書卷第五十一

天文二從新書本
分注舊書

志二十七



日食

武德元年十月壬申朔日有食之在氏五度占曰諸侯專權則其應在所宿國諸侯附從則為王者事四年八月丙戌朔日有食之在翼四度楚分也六年十月二月壬寅朔日有食之在南斗十九度吳分也九年十月丙辰朔日有食之在氏七度貞觀元年閏三月癸丑朔日有食之在胃九度九月庚戌朔日有食之在亢五度胃為天倉亢為疏廟二

年三月戊申朔日有食之在婁十一度占為大臣憂
三年八月己巳朔日有食之在翼五度占曰旱四年
閏正月新書紀作正月案紀三年閏十二月則四年不當有閏兩書志皆作閏正月閏字衍丁
卯朔日有食之在營室四度七月甲子朔日有食之
在張十四度占為禮失六年正月乙卯朔日有食之
在虛九度虛耗祥也八年五月辛未朔日有食之在
參七度九年閏四月丙寅朔日有食之在畢十三度
占為邊兵十一年三月丙戌朔日有食之在婁二度
占為大臣憂十二年閏二月庚辰朔日有食之在奎
九度奎武庫也十三年八月辛未朔日有食之在翼

十四度翼為遠夷十七年六月己卯朔日有食之在
東井十六度京師分也十八年十月辛丑朔日有食
之在房三度房將相位二十年閏三月癸巳朔日有
食之在胃九度占曰主有疾二十二年八月己酉朔
日有食之在翼五度占曰旱

顯慶五年六月庚午朔日有食之在柳五度龍朔元
年五月甲子晦日有食之在東井二十七度皆京師
分也麟德二年閏三月癸酉朔日有食之在胃九度
占曰主有疾乾封二年八月己酉朔兩書紀皆作己酉案紀九月有

庚申則八月之朔不當己酉兩書志皆作己酉誤日有食之在翼六度總章

二年六月戊申朔日有食之在東井二十九度咸亨
元年六月壬寅朔日有食之在東井十八度二年十
一月甲午朔日有食之在箕九度三年十一月戊子
朔日有食之在尾十度東井京師分箕爲后妃之府
尾爲後宮五年三月辛亥朔日有食之在婁十三度
占爲大臣憂上元二年九月壬寅朔日有食之兩書本紀無永隆元年四
乙巳朔日有食之兩書本紀無十一月壬申朔日有食之在尾十六
度開耀元年十月丙寅朔日有食之在尾四度永淳
元年四月甲子朔日有食之在畢五度十月庚申朔
日有食之在房三度本紀無

垂拱二年二月辛未朔日有食之在營室十五度四
年六月丁亥朔日有食之在東井二十七度京師分
也天授二年四月壬寅朔日有食之在昴七度如意
元年四月丙申朔日有食之在胃十一度皆正陽之
月長壽二年九月丁亥朔日有食之在角十度角內
爲天廷延載元年九月壬午朔日有食之在軫十八
度軫爲車騎證聖元年二月己酉朔日有食之在營
室五度聖曆三年五月己酉朔日有食之在畢十五
度長安二年九月乙丑朔日有食之幾旣在角初度
三年三月壬戌朔日有食之在奎十度占曰君不安

九月庚寅朔日有食之在亢七度

神龍三年六月丁卯朔日有食之在東井二十八度
京師分也景龍元年十二月乙丑朔日有食之在南
斗二十一度斗爲丞相位

先天元年九月丁卯朔日有食之在角十度開元三
年七月庚辰朔日有食之在張四度七年五月己丑
朔日有食之在畢十五度九年九月乙巳朔日有食
之在軫十八度十二年閏十二月丙辰朔日有食之
在虛初度十七年十月戊午朔日有食之不盡如鉤
在氏九度二十年二月甲戌舊書朔日有食之在營

室十度八月辛未朔日有食之在翼七度二十一年
七月乙丑朔日有食之在張十五度二十二年十二
月戊子朔日有食之在南斗二十三度二十三年閏
十一月壬午朔日有食之在南斗十一度二十六年
九月丙申朔日有食之在亢九度二十八年三月丁
亥朔日有食之在婁三度天寶元年七月癸卯朔日
有食之在張五度五載五月壬子朔日有食之在畢
十六度十三載六月乙丑朔日有食之幾既在東井
十九度京師分也

至德元載十月辛巳朔日有食之既在氏十度上元

二年七月癸未朔日有食之既大星皆見

司天秋官正瞿曇誤

奏曰癸未太陽虧辰正後六刻起虧已正後一刻既午前一刻復滿虧於張四度周之分野甘德云日從

已至午蝕為周周為河南今逆賊史在張四度
思明據乙巳占日日蝕之下有破國
廣德二年

五月丁酉朔日當大厯三年三月乙巳朔日有食之蝕不蝕羣臣賀

自午虧至後一刻凡在奎十一度
四年正月十五日十蝕十分之六分半
甲申日有蝕之

一年十月辛酉朔日有食之在氏十一度宋分也

十三
戊朔有司奏合蝕不蝕甲戌
十四年七月戊辰朔日有食之在張四度十二月丙寅晦日有食之在危十二度

貞元二年

案紀在三年兩書
志皆作二年誤
八月辛巳朔日有食之

在軫八度

有司奏準禮請伐鼓於社不許太常卿董晉諫曰伐鼓所以責羣陰助陽德宜從經

義竟五年正月甲辰朔日有食之在營室六度

六年
不報
戊戌朔有司奏合蝕不蝕百僚稱賀七年六月八年

庚寅朔有司奏蝕是夜陰雲不見百官表賀

十一月壬子朔日有食之尾六度宋分也

先是司天監徐承嗣
奏據厯合蝕八分今退食三分準占君盛明則陰匿而潛退請書於史從之十年四月癸卯朔有司奏太陽合虧已正後五刻蝕之既未正後五刻復滿太

常奏準禮上不視朝其日陰雲不見百官表賀
十二年

年八月己未朔日有食之在翼十八度占曰旱十七

年五月壬戌朔日有食之在東井十度

元和三年七月辛巳朔日有食之在七星三度

憲宗
謂宰
臣曰昨司天奏太陽虧蝕皆如其言何也又素服救日其義安在李吉甫對曰日月運行遲速不齊日凡

周天三百六十五度有餘日行一度月行十三度有餘率二十九日半而與日會又月行有南北九道之

異或進或退若晦朔之交又南北同道即日為月之所掩故名薄蝕雖自然常數可以推步然日為陽精人君之象若君行有緩有急即日為之遲速稍踰常度為月所掩即陰侵於陽亦由人君行或失中應感所致故禮云男教不修陽事不得謫見于天日為之蝕古者日蝕則天子素服而修六官之職月蝕則后素服而修六宮之職皆所以懼天戒而自省惕也人君在民物之上易為驕盈故聖人制禮務乾恭兢惕以奉若天道苟德大備天人合應百福斯臻陛下恭己向明日慎一日又顧憂天譴則聖德益固升平何遠伏望長保睿志以永無疆之休上曰天人交感妖祥應德蓋如卿言素服救日自貶之旨也朕雖不德敢忘兢惕卿等

當匡吾不迨也 十年八月己亥朔日有食之在翼十

八度十三年六月癸丑朔日有食之在輿鬼一度京

師分也

長慶二年四月辛酉朔日有食之在胃十三度

不盡者四

之一燕趙見之既 三年九月壬子朔日有食之在角十二度

大和八年二月壬午朔日有食之在奎一度開成元

年正月辛丑朔

舊書志作正月十五日舊書紀作丙辰望日有蝕之案是月辛丑朔則志

之十五日當是乙卯紀之丙辰當是十六日矣然新書紀志皆在朔舊書紀志皆在望未知何從 日

有食之在虛三度

會昌三年二月庚申朔日有食之在東壁一度并州

分也四年二月甲寅朔日有食之在營室七度五年

七月丙午朔日有食之在張七度六年十二月戊辰

朔日有食之在南斗十四度

大中二年五月己未朔日有食之在參九度八年正

月丙戌朔日有食之在危一度危爲元枵亦耗祥也
咸通四年七月辛卯朔日有食之在十七度

乾符三年九月乙亥朔日有食之在軫十四度四年

四月壬申朔日有食之在畢三度六年四月庚申朔

日有食之旣在胃八度兩書紀皆無文德元年三月戊戌

朔日有食之在胃一度

天祐元年十月辛卯朔日有食之在心二度

天祐三年四月癸未舊書甲申朔日有食之在胃十二度

凡唐著紀二百八十九年日食九十三朔九十一晦

二日

日變

貞觀初突厥有五_日並照二十三年三月日赤無光

李淳風曰日變色有軍急又曰其君無德其臣亂國

濮陽復曰日無光主病

咸亨元年二月壬子日赤無光癸丑四方濛濛日有

濁氣色赤如赭上元二年三月丁未日赤如赭永淳

元年三月日赤如赭

文明元年二月辛巳日赤如赭長安四年正月壬子

日赤如赭

景龍三年三月庚申日色紫赤無光

開元十四年十二月己未日赤如赭二十九年三月
丙午風霾日無光近晝昏也占爲上刑急人不樂生
天寶三載正月庚戌日暈五重占曰是謂棄光天下
有兵

肅宗上元二年二月乙酉白虹貫日

永泰二年六月
丁未日重輪

大曆二年七月丙寅日傍有青赤氣

長四丈餘壬申日上有赤氣長二丈九月乙亥至於
辛丑日傍有青赤氣三年正月丁巳日有黃冠青赤
珥辛丑亦如之凡氣長而立者爲直橫者爲格立於
日上者爲冠直爲有自立者格爲戰鬪又曰赤氣在

日上君有佞臣黃爲土功青赤爲憂

貞元三年閏五月壬戌日有黑暈六年正月甲子日
赤如血十年三月乙亥黃霧四塞日無光

元和二年十月壬午日傍有黑氣如人形跪手捧盤
向日盤中氣如人頭四年閏三月日傍有物如日五
年四月辛未白虹貫日十年正月辛卯日外有物如
鳥十一年正月己卯日紫赤無光

長慶元年六月己丑白虹貫日三年二月庚戌白虹貫日
寶曆元年六月甲戌赤虹貫日九月甲申日赤無光
二年三月甲午日中有黑氣如梧辛亥舊書紀三月
戊辰朔則辛

亥當是日中有黑子四月甲寅白虹貫日連環至午方滅

大和二年二月癸亥日無光白霧晝昏十二月癸亥

有黑氣與日如鬪五年二月辛丑舊書紀二月庚午朔則辛丑當是三月

月白虹貫日六年三月有黑氣與日如鬪庚戌日中

有黑子四月乙丑黑氣蔽日七年正月庚戌白虹貫

日八年七月甲戌白虹貫日日有交暈十月壬寅白

虹貫日東西際天上有背玦九年二月辛卯日月赤

如血壬辰亦如之開成元年正月辛丑朔白虹貫日

二月己丑亦如之二年十一月辛巳日中有黑子大

如雞卵日赤如赭晝昏至於癸未五年正月己丑日

暈白虹在東如玉環貫珥案紀自此以下武宗即位二月丙辰日有

重暈有赤氣夾日十二月癸卯朔日旁有黑氣來觸

會昌元年十一月庚戌日中有黑子四年正月戊申

日無光二月己巳白虹貫日如玉環

大中十三年四月甲午日暗無光

咸通六年正月白虹貫日中有黑氣如雞卵七年十

二月癸酉白氣貫日日有重暈甲戌亦如之白氣兵

象也十四年二月癸卯白虹貫日

乾符元年日中有黑子二年日中有若飛燕者六年

十一月丙辰朔有兩日竝出而鬪三日乃不見鬪者

離而復合也廣明元年日暈如虹黃氣蔽日無光日
不可以二虹百殃之本也中和三年三月丙午舊書紀三

月丁卯朔無丙午日有青黃暈四丙辰亦如之丁巳戊午又

如之光啟三年十一月己亥下晡日上有黑氣四年

二月己丑日赤如血庚寅改元文德是日風日赤無

光

景福元年五月日色散如黃金光化三年冬日有虹

蜺背璫彌旬日有赤氣自東北至於東南天復元年

十月日色散如黃金十一月又如之三年二月丁丑

日有赤氣自東北至於東南天祐元年二月丙寅日

中見北斗其占重十一月癸酉日中日有黃暈旁有

青赤氣二案紀八月哀帝即位

天祐二年正月甲申日有黃白暈暈上有青赤背乙

酉亦如之暈中生白虹漸東長百餘丈二月己巳舊書

紀二月庚寅朔無己巳日有黃白暈如半環有蒼黑雲夾日長

各六尺餘既而雲變狀如人如馬乃消舊占背者叛

背之象日暈有虹者為大戰半暈者相有謀蒼黑稜

祥也夾日者賊臣制君之象變而如人者為叛臣如

馬者為兵三年正月辛未日有黃白暈上有青赤背

二月癸巳日有黃白暈如半環有青赤背庚戌日有

黃白暈青赤背

月變

貞觀初突厥有三月竝見

儀鳳二年正月甲子朔月見西方是謂朏朏則侯王

其舒

武太后時月過望不虧者二

天寶三載正月庚戌月有紅氣如垂帶

肅宗元年建子月癸己乙夜月掩昴出其北而暈色白

有白氣自北貫之昴胡也白氣兵喪司天監韓穎奏曰按石申占月

掩昴胡王死又月行昴北天下福臣伏以三光垂象月為刑殺之徵二石殲夷史官常占畢昴為天網白

氣兵喪掩其星則大破胡王行其北則天下有福已為周分癸主幽燕當羯胡竊據之却是殘寇滅亡之地明年史思明為其子朝義所殺十月雍王收復東都建辰月丙戌月有黃白

冠連暈圍東井五諸侯兩河及輿鬼東井京師分也

永泰二年六月丁未月重輪大厯十年九月戊申月暈熒惑畢昴

參東井及五車暈中有黑氣乍合乍散十二月丙子

舊書甲子月出東方上有白氣十餘道如匹練貫五車及

畢觜觶參東井輿鬼柳軒轅中夜散去占曰女主凶

白氣為兵喪五車主庫兵軒轅為後宮其宿則晉分

及京師也

元和十一年無月闕文巳未旦日巳出有虹貫月於營室

開成四年閏正月甲甲朔乙酉月在營室正偃魄質
成早也占爲臣下專恣之象五年正月戊寅朔甲申
月昏而中未茲而中早也占同上

景福二年十一月有白氣如環貫月穿北斗連太微
天復二年十二月甲申夜月有三暈裏白中赤黃外
綠

天祐三年二月丙申月暈熒惑

彗

武德九年二月壬午有星彗於胃昴間丁亥彗於卷
舌彗與彗皆非常惡氣所生而災甚於彗

貞觀八年八月甲子有星彗於虛危歷元枵

太宗謂侍臣曰

是何妖也虞世南對曰齊景公時有彗星晏子對曰公穿池畏不深築臺畏不高行刑恐不重是以彗爲戒耳景公懼而修德十六日而星滅臣聞若德政不修麟鳳數見無所補也苟政教無關雖有災愆何損於時伏願陛下勿以功高古人而矜大勿以太平日久而驕逸慎終如始彗何足憂帝深嘉之乙亥
不見舊書紀十一十三年三月乙丑有星彗於畢昴
十五年六月巳酉有星彗於太微犯郎位七月甲戌
不見

龍朔三年八月癸卯有彗星於左攝提長二尺餘乙
巳不見攝提建時節大臣象乾封二年舊書總章元年案紀當從
舊四月丙辰有彗星於東北在五車畢昴間上避正殿減膳

令內外五品以上上封事極言得失許敬宗曰星雖
常膳不從敬宗又進曰星孛於東北王師問罪高麗
將滅之徵帝曰我為萬國主豈移過於小蕃哉二十
二日星滅乙亥不見上元二年十二月舊書十月案壬午

有彗星於角亢南長五尺三年七月丁亥有彗星於
東井指北河北河積薪長三尺餘東北行光芒益盛長三

丈掃中台指文昌九月乙酉不見東井京師分中台
文昌將相位兩河天闕也開耀元年九月丙申有彗

星於天市中九月一日萬年縣女子劉凝靜乘白馬
著白衣男子從者八九十人入太史局
升令廳牀坐勸問比有何災異太史
令姚元辨執之以聞是夜彗見西方長五丈舊書漸

小東行至河鼓舊書河鼓左旗癸丑不見市者貨食之所聚

以衣食生民者一曰帝將遷都河鼓將軍象永淳二

年三月丙午有彗星於五車北四月辛未不見

光宅元年九月丁丑有星如半月見於西方月衆陰

之長星如月者陰盛之極

文明元年七月辛未夕有彗星於西方長丈餘八月

甲辰不見舊書紀凡四十九日而是謂天欖

景龍元年十月壬午有彗星於西方十一月甲寅不

見二年七月丁酉有星孛於胃昴間胡分也八月舊案

書紀志皆作三年壬辰有星孛於紫宮

延和元年六月舊書七月有彗星自軒轅入太微至

大角滅

開元十八年六月甲子有彗星於五車癸酉有星孛於畢昴二十六年三月丙子有星孛於紫微垣歷北斗魁旬餘因陰雲不見

乾元三年四月丁巳有彗星於東方在婁胃間色白長四尺東方疾行歷昴畢觜觶參東井輿鬼柳軒轅至右執法西右執法七寸所凡五旬餘不見閏月辛酉朔有

彗星於西方長數丈至五月乃滅是時自四月初大霧大雨至閏四月未方止是月逆賊史思明再陷東都米價踊貴斗至八百文人相食殍尸蔽地婁為魯胃昴畢為趙觜觶參為唐東井輿鬼為京師分柳其半為

周分二彗仍見者薦禍也又婁胃間天倉

大厯元年十二月己亥有彗星於匏瓜長尺餘經二旬不見犯宦者星五年四月己未彗星於五車光芒蓬勃長三丈五月己卯彗星見於北方色白癸未東行近八穀中星六月癸卯近三公己未不見占曰色白者太白所生也七月京師米價騰踊斗千錢七年十二月丙寅有長星於參下其長亘天長星彗屬參唐星也

元和十年三月有長星於太微尾至軒轅十二年正月戊子有彗星於畢長二尺餘指西南凡三日近參旗沒舊書紀長丈餘長慶元年正月己未有星孛於翼二月丁卯舊書紀二月戊

辰朔丁卯當從
紀作正月晦
亭於太微西上將
亭在辰上去太微西垣南第一星七

寸六月有彗星於昴長一丈凡十日不見

大和二年七月甲辰有彗星於右攝提南長二尺三

年十月客星見於水位八年九月辛亥有彗星於太

微長丈餘西北行越郎位庚申不見
庚申右軍中尉王守澄宣召鄭

注對於浴殿門是夜彗星出東方長三尺芒耀甚猛開成二年二月丙午有彗

星於危長七尺餘西指南斗戊申在危西南芒耀愈

盛癸丑在虛
在危八度庚申在虛二度半辛酉長丈餘西行稍南

指
在虛一度半舊書紀在虛九度半壬戌在婺女長二丈餘廣三尺

在女癸亥愈長且濶
在女三月甲子在南斗
在斗乙

丑長五丈其末兩岐一指氏一掩房丙寅長六丈無

岐北指在亢七度丁卯西北行東指
文宗召司天監朱子容問星變

之由子容曰彗主兵旱或破四夷古之占書也然天道懸遠唯陛下修政以抗之乃救尚食今後每日御

食料分爲十日其夜已巳
舊書戊辰長八丈餘在張
在張

彗長五丈濶五尺度詔天下放繫囚徹樂減膳避正
殿先是羣臣拜章上徽號宜停癸未長三尺在軒

轅右
東指在張七度不見凡彗星晨出則西指夕出則東指

乃常也未有徧指四方凌犯如此之甚者甲申客星

出於東井下戊子客星別出於端門內近屏星四月

丙午東井下客星没五月癸酉端門內容星没壬午

客星如亭在南斗天籥旁八月丁酉有彗星於虛危

虛危為元枵枵耗名也三年十月乙巳有彗星於軫
魁長二丈餘漸長西指十一月乙卯有彗星於東方
在尾箕東西亘天十二月壬辰不見四年正月癸酉
有彗星於羽林在室十度衛分也閏月丙午有彗星於
卷舌西北二月己卯不見五年二月庚申有彗星於
營室東壁間二十日滅案紀自此已下武宗即位十一月戊寅有
彗星於東方燕分也
會昌元年七月有彗星於羽林營室東壁間也十一
月壬寅有彗星於北落師門在營室入紫宮十二月
辛卯不見并州分也

大中六年三月有彗星於觜參參唐星也十一年九
月乙未彗星於房長三尺
咸通五年五月己亥夜漏未盡一刻有彗星出於東
北色黃白長三尺在婁徐州分也九年正月有彗星
於婁胃十年八月有彗星於大陵東北指占為外夷
兵及水災
乾符四年五月有彗星光啟元年有彗星於積水積
薪之間二年五月丙戌有星孛於尾箕歷北斗攝提
占曰貴臣誅
大順二年四月庚辰有彗星於三台東行入太微掃



大角天市長十丈餘五月甲戌不見宦者陳匡知星
奏曰當有亂臣入宮三台太一三階也太微大角帝
廷也天市都市也景福元年正月蚩尤旗見初出有
白彗形如髮長二尺許經數日乃從中天下如匹布
至地如蛇六月孫儒攻楊行密於宣州有黑雲如山
漸下墜於儒營上狀如破屋占曰營頭星也十一月
有星孛於斗牛占曰越有自立者十二月丙子天攬
出於西南已卯化爲雲而沒二年三月天久陰至四
月乙酉夜雲稍開有彗星於上台長十餘丈東行入
太微掃大角入天市經三旬有七日益長至二十餘

丈因雲陰不見乾寧元年正月有星孛於鶉首秦分
也又星隕於西南有聲如雷七月妖星見非彗非孛
不知其名時人謂之妖星或曰惡星三年十月有客
星三一大二小在虛危間乍合乍離相隨東行狀如
鬪經三日而二小星沒其大星後沒虛危齊分也光
化三年正月客星出於中垣宦者旁大如桃光焰射
宦者宦者不見天復元年五月有三赤星各有鋒芒
在南方旣而西方北方東方亦如之頃之又各增一
星凡十六星少時先從北滅占曰濛星也見則諸侯
兵相攻二年正月客星如桃在紫宮華蓋下漸行至

御女丁卯有流星起文昌抵客星客星不動已巳客
星在杠守之至明年猶不去占曰將相出兵五月夕
有星當箕下如炬火炎炎上衝人初以為燒火也高
丈餘乃隕占曰機星也下有亂天祐元年四月有星
狀如人首赤身黑在北斗下紫微中占曰天衝也天
衝抱極泣帝前血濁霧下天下寃後三日而黑風晦
暝

天祐二年四月庚子夕西北隅有星類太白上有光
似彗長三四丈色如赭辛丑夕色如縞或曰五車之
水星也一曰昭明星也甲辰有彗星於北河貫文昌

長三丈餘陵中台下台五月乙丑夜自軒轅左角及
天市西垣光芒猛怒其長亘天丙寅雲陰至辛未少
霽不見兩河為天闕在東井間而北河中國所經也
文昌天之六司天市都市也

星變

武德三年十月己未有星隕於東都中隱隱有聲

高祖

謂侍臣曰此何祥也起居舍人令狐德棻曰昔司馬
懿伐遼有流星墜於遼東梁水上尋而公孫淵敗走
晉軍追之至其星墜處斬
之此王世充滅亡之兆也

貞觀二年天狗隕於夏州城中十四年八月有星隕
於高昌城中十六年六月甲辰西方有流星如月西

南行三丈乃滅占曰星甚大者爲人主十八年五月
流星出東壁有聲如雷占曰聲如雷者怒象十九年
四月巳酉有流星向北斗杓而滅

永徽三年十月有流星貫北極四年十月睦州女子
陳碩真反婺州刺史崔義元討之有星隕於賊營乾
封元年正月癸酉有星出太微東流有聲如雷咸亨
元年十一月西方有流星聲如雷三年二月三日調
有流星如雷
露元年十一月戊寅流星入北斗魁中乙巳流星燭
地有光使星也

神龍三年三月丙辰有流星聲如頽牆光燭天地景

龍二年二月癸未有大星隕於西南舊書天
保墜聲如雷
野雉皆雊

景雲元年舊書二年案景雲元年
八月無已未當從舊書八月己未

有流星
出五車至上台滅九月甲申有流星出中台至相滅
太極元年正月辛卯有流星出太微至相滅延和元
年六月幽州都督孫佺討奚契丹出師之夕有大星
隕於營中

開元二年五月乙卯晦有星西北流或如囊或如斗
貫北極小者不可勝數天星盡搖至曙乃止占曰星
民象流者失其所也漢書曰星搖者民勞十二年十

月壬辰流星大如桃色赤黃有光燭地占曰色赤為

將軍使天寶三載閏二月辛亥有星如月墜於東南

墜後有聲

京師訛言官遣棖棖捕人肝以祭天狗人相恐畿內尤甚

至德二載賊將武令珣圍南陽四月甲辰夜中有大

星赤黃色長數十丈光燭地墜賊營中十一月壬戌

舊書紀十月乙巳朔則十一月無壬戌

有流星大如斗東北流長數丈

蛇行屈曲有碎光迸出占曰是謂枉矢

廣德二年六月丁卯有妖星隕於汾州十二月丙寅

自乙夜至曙星流如雨大厯二年九月乙丑晝有星

如一斗器

舊書如一升器

色黃有尾長六丈餘出南方沒於

東北東北於中國則幽州分也三年九月乙亥有星

大如斗北流有光燭地占為貴使六年九月甲辰有

星西流大如一斗器

舊書如一升器

光燭地有尾迸光如珠

長五丈出婺女入天市南垣滅八年六月戊辰有流

星大如一升器有尾長三丈餘入太微十二月壬申

有流星大如一升器有尾長二丈餘出紫微入濁十

年三月戊戌有流星出於西方如二升器有尾長二

丈入濁十二年二月辛亥有流星如桃尾長十丈出

匏瓜入太微建中四年八月庚申有星隕於京師興

元元年六月戊午星或什或伍而隕貞元三年閏五

月戊寅枉矢墜於虛危十四年閏五月辛亥有星墜

於東北新書紀光燭如晝聲如雷

元和二年十二月己巳西北有流星亘天尾散如珠

占曰有貴使四年八月丁丑西北有大星東南流聲

如雷鼓六年三月戊戌日晡天陰寒有流星大如一

斛氣墜於兗鄆間聲震數百里野雉皆雉所墜之上

有赤氣如立蛇長丈餘至夕乃滅時占者以為日在

戊魯分也不及十年其野主殺而地分九年正月有

大星如半席自下而升有光燭地羣小星隨之四月

辛巳有大流星尾迹長五丈餘光燭地至右攝提西

舊書右攝提南三尺所滅十二年九月己亥甲夜有流星起中

天首如獲尾如二百斛船長十餘丈聲如羣鴨飛明

若火炬過月下西流須臾有聲礮礮墜地有大聲如

壞屋者三在陳蔡間十四年五月己亥有大流星出

北斗魁長二丈餘南抵軒轅而滅占曰有赦赦視星

之大小十五年七月癸亥有大星出鉤陳南流至婁

滅案紀是年正月穆宗即位

長慶元年正月丙辰有大星出狼星北二尺色赤有

尾迹長三丈餘光燭地東北流至七星南三尺滅四

月有大星墜於吳聲如飛羽七月乙巳有大流星出

參西北色黃有尾迹長六七丈光燭地至羽林滅其

幽州軍亂囚其帥張宏靖立朱克融其月二十八日

鎮州軍亂殺其帥田宏正立王廷湊元和未河北三

鎮皆以疆土歸朝廷至是幽鎮俱失俄而史

憲誠以魏州叛三鎮復為盜據連兵不息八月辛

巳東北方有大星白雲中出色白光燭地前銳後大

長二丈餘舊書長丈二尺五寸西北流入雲中滅舊書入二年

四月辛亥舊書紀丁亥案四月辛酉朔無辛亥當從紀有流星出天市光

燭地隱隱有聲至郎位滅市者小人所聚郎在天廷

中主宿衛六月丁酉舊書紀六月庚申朔無丁酉有小星隕於房

心間戊戌亦如之巳亥亦如之七月丙子夜東方大星西流至昴滅其聲

如雷案紀七月巳丑朔無丙子閏十月丙申有流星大如斗抵中台

上星三年八月丁酉夜有大流星如數斗器起西北

經奎婁東南流去月甚近迸光散落墜地有聲四年

四月紫微中星隕者眾案紀是年正月敬宗即位十月舊書七月

十月丙子朔無乙卯有大流星出天船犯斗魁樞星

而滅占曰有舟楫事丙子有大流星出天將軍東北

入濁十二月甲午夜西北有流星出閭道至北極滅

寶曆元年正月乙卯有流星出北斗樞星光燭地入

濁占曰有赦七月庚子流星出北極至南斗柄滅案

十一月戊戌西南大二年正月甲戌夜北方大流星

流星出羽林入濁長五丈餘出紫微過軫滅

三月巳巳流星出河鼓東過天市入濁滅四月五月

甲子夜西方大流星長三丈穿天市垣至房滅

癸巳西北有流星長三丈餘光燭地入天市中滅占
為有誅七月壬申流星長二丈出斗北入濁滅丙午舊書同日初入

東南有流星向南滅以晷度推之在箕斗間八月丙
申有大流星出王良長四丈餘至北斗杓滅王良奉
車御官也

大和四年六月辛未自昏至戊夜流星或大或小觀
者不能數占曰民失其所王者失道綱紀廢則然又

日星在野象物在朝象官七年六月戊子舊書紀六月丁巳朔
無戊子自昏及曙四方流星大小縱橫百餘八年六月

辛巳夜中有流星出河鼓赤色有尾迹光燭地迸如

散珠北行近天棊滅有聲如雷河鼓為將軍天棊者

帝之武備七月己巳夜流星出紫微西北長二丈至北斗第一星滅九年六月丁

酉自昏至丁夜流星二十餘縱橫出沒多近天漢開

成二年九月丁酉舊書紀八月壬辰朔十月辛卯朔則九月無丁酉有星大

如斗長五丈自室壁西北流入大角下沒行類枉矢

中天有聲小星數百隨之十一月丁丑有大星隕於

興元府署寢室之上光燭庭宇三年五月乙丑有大

星出於柳張尾長五丈餘再出再沒四年二月己亥

舊書紀二月癸巳朔無己亥丁夜至戊夜四方中天流星小大凡

二百餘並西流有尾迹長二丈至五丈八月辛未流

星出羽林有尾迹長八丈餘

舊書長十丈

有聲如雷羽林

天軍也十二月壬申蚩尤旗見

會昌元年六月戊辰

舊書紀庚子

自昏至戊夜小星數十

縱橫流散占曰小星民象七月庚午

舊書紀己巳

北方有

星光燭地東北流經王良有聲如雷十月壬寅有大星
星東北流光燭地有聲如雷四年八月丙午有大星
如炬火光燭天地自奎婁掃西方七宿而隕六年二
月辛丑夜中有流星赤色如桃光燭地有尾迹貫紫
微入濁

咸通六年七月乙酉甲夜有大流星長數丈光爍如

電羣小星隨之自南徂北其象南方有以衆叛而之
北也九年十一月丁酉有星出如匹練亘空化爲雲
而沒在楚分是謂長庚見則兵起十三年春有二星
從天際而上相從至中天狀如旌旗乃隕九月蚩尤
旗見

乾符二年冬有二星一赤一白大如斗相隨東南流
燭地如月漸大光芒猛怒三年晝有星如炬火大如
五升器出東北徐行隕於西北四年七月有大流星
如盂自虛危歷天市入羽林滅占爲外兵中和元年
有異星出於輿鬼占者以爲惡星八月己丑夜星隕

如雨或如杯椀者交流如織庚寅夜亦如之至丁酉
止三年十一月夜星隕於西北如雨光啟二年九月
有大星隕於揚州府署延和閣前聲如雷光炎燭地
十月壬戌有星出於西方色白長一丈五尺屈曲而
隕占曰長庚也下則流血三年五月秦宗權擁兵於
汴州北郊晝有大星隕於其營聲如雷是謂營頭其
下破軍殺將

乾寧元年夏有星隕於越州後有光長丈餘狀如蛇
或曰枉矢也三年六月天暴雨雷電有星大如椀起
西南墜於東北色如鶴練聲如羣鴻飛占爲姦謀光

化元年九月丙子有大星墜於北方三年三月丙午
有星如二十斛船色黃前銳後大西南行十一月中
天有大星自東緩流如帶屈曲光凝著天食頃乃滅
是謂枉矢天復三年二月帝至自鳳翔其明日有大
星如月自東濁際西流有聲如雷尾迹橫貫中天三
夕乃滅天祐元年五月戊寅乙夜雨晦冥有星長二
十丈出東方西南向首黑尾赤中白枉矢也一曰長
星

天祐二年三月乙丑夜中有大星出中天如五斗器
流至西北去地十丈許而止上有星芒炎如火赤而

黃長丈五許而蛇行小星皆動向東南其隕如雨少
頃沒後有蒼白氣如竹叢上衝天中色蒼蒼占曰赤
枉矢也三年十二月昏東方有星如太白自地徐上
行極緩至中天如上弦月乃曲行頃之分爲二占曰
有大孽

唐書卷第五十一

唐書卷第五十二

志二十八

天文三

從新書本
分注舊書

月五星凌犯及星變

隋大業十三年六月鎮星羸而旅於參參唐星也李
淳風曰鎮星主福未當居而居所宿國吉義寧二年
三月丙午熒惑入東井占曰大人憂

武德元年五月庚午太白晝見占曰兵起臣強六月

丙子熒惑犯右執法

舊書左執法新
書紀太白晝見

占曰執法大臣

象二年七月戊寅月犯牽牛凡月與列宿相犯其宿
地憂牽牛吳越分九月庚寅太白晝見冬熒惑守五

諸侯六年七月癸卯熒惑犯輿鬼西南星占曰大臣
有誅七年六月熒惑犯右執法七月戊寅歲星犯畢
占曰邊有兵八年九月癸丑熒惑入太微太微天廷
也冬太白入南斗斗主爵祿九年五月太白晝見傳
奏太白晝見於秦秦國當有天下高祖以狀授太宗
及太宗卽位召奕謂曰汝前奏事幾累我然而今後
但須悉心盡言六月丁巳經天己未又經天在秦分
無以前事爲慮
丙寅月犯氏氏爲天子宿宮己卯太白晝見七月辛
亥晝見甲寅晝見八月丁巳晝見太白上公經天者
陰乘陽也

貞觀三年三月丁丑歲星逆行入氏占曰人君治宮

室過度一曰饑五年五月庚申鎮星犯鍵閉占爲腹
心喉舌臣九年四月丙午熒惑犯軒轅十年四月癸
酉復犯之占曰熒惑主禮禮失而後罰出焉軒轅爲
後宮十一年二月癸未熒惑入輿鬼占曰賊在大人
側十二年六月辛卯熒惑入東井占曰旱十三年五
月乙巳犯右執法六月太白犯東井北轅井京師分
也十四年十一月壬午月入太微占曰君不安十五
年二月熒惑逆行犯太微東上相十六年五月太白
犯畢左股畢爲邊將六月戊戌晝見九月己未熒惑
犯太微西上將十月丙戌入太微犯左執法十七年

二月犯鍵閉三月丁巳守心前星癸酉逆行犯鉤鈴
熒惑常以十月入太微受制而出伺其所守犯天子
所誅也鍵閉為腹心喉舌臣鉤鈴以開闔天心皆貴
臣象十八年十一月乙未月掩鉤鈴十九年七月舊書
九壬午太白入太微是夜月掩南斗太白遂犯左執
法光芒相及箕斗間漢津高麗地也太白為兵亦罰
星也二十年七月丁未歲星守東壁占曰五穀以水
傷二十一年四月戊寅月犯熒惑占曰貴臣死十二
月丁丑月食昴占曰天子破匈奴二十二年五月丁
亥犯右執法七月太白晝見乙巳鎮星守東井占曰

旱閏十二月辛巳太白犯建星占曰大臣相譖

永徽元年二月己丑熒惑犯東井占曰旱四月己巳
月犯五諸侯熒惑犯輿鬼占曰諸侯凶五月己未太
白晝見二年六月己丑太白入太微犯右執法九月
甲午犯心前星十二月乙未太白晝見三年正月壬
戌犯牽牛牽牛為將軍又吳越分也丁亥歲星掩太
微上將二月己丑熒惑犯五諸侯五月戊子舊書六月二日
掩右執法三日太白入太四年六月己丑太白晝見
六年七月乙亥歲星守尾占曰人主以嬪為后己丑
熒惑入輿鬼八月丁卯入軒轅顯慶元年四月丁酉

太白犯東井北轅占曰秦有兵五年二月甲午熒惑入南斗六月戊申舊書紀六月庚午朔無戊申復犯之南斗天廟

去復來者其事大且久也龍朔元年六月辛巳太白

晝見經天九月癸卯犯左執法二年七月巳丑熒惑

守羽林羽林禁兵也三年正月巳卯犯天街占曰政

塞姦出六月乙酉太白入東井占曰君失政大臣有

誅麟德二年三月戊午熒惑犯東井四月壬寅入輿

鬼犯質星乾封元年八月乙巳熒惑入東井二年五

月庚申入軒轅三年正月乙巳月犯軒轅大星咸亨

元年四月癸卯月犯東井占曰人主憂七月壬申熒

惑入東井占曰旱丙申月犯熒惑占曰貴人死十二

月丙子熒惑入太微二年四月戊辰復犯太微垣將

相位也五年六月壬寅太白入東井上元二年正月

甲寅熒惑犯房占曰君有憂一曰有喪三年正月丁

卯太白犯牽牛占曰將相凶儀鳳二年八月辛亥舊書

紀乙巳太白犯軒轅左角左角貴相也三年十月舊書

紀閏月戊寅熒惑犯鉤鈴四年四月戊午入羽林占曰軍

憂調露元年七月辛巳入天囷永隆元年五月癸未

犯輿鬼丁酉太白晝見經天是謂陰乘陽陽君道也

永淳元年五月丁巳辰星犯軒轅九月庚戌熒惑入

輿鬼犯質星十一月乙未復犯輿鬼去而復來是謂句已

垂拱元年四月癸未辰星犯東井北轅辰星爲廷尉東井爲法令失道則相犯也十二月戊子月掩軒轅大星二年三月丙辰復犯之萬歲通天元年十一月乙丑歲星犯司怪占曰水旱不時聖曆元年五月庚午太白犯天關天關主邊事二年熒惑入輿鬼三年三月辛亥歲星犯左執法久視元年十二月甲戌晦熒惑犯軒轅自乾封二年後月及熒惑太白辰星凌犯軒轅者六長安二年熒惑犯五諸侯渾儀監尙獻

甫奏臣命在金五諸侯太史之位火克金臣將死矣

武后曰朕爲卿禳之以獻甫爲水衡都尉水生金又

去太史之位卿無憂矣是秋獻甫卒四年熒惑入月

鎮星犯天關太史令嚴善思奏法有亂臣伏罪臣下謀上之變歲餘誅二張五王立中宗

神龍元年三月癸巳熒惑犯天田占曰旱七月辛巳

掩氏西南星占曰賊臣在內二年閏正月丁卯月掩

軒轅后星九月壬子熒惑犯左執法巳巳月犯軒轅

后星十一月辛亥犯昴占曰胡王死戊午熒惑入氏

十二月丁酉犯天江占曰旱三年五月戊戌太白入

輿鬼中占曰大臣有誅景龍三年六月癸巳太白晝

見在東井京師分也四年二月癸未熒惑犯天街五
月甲子月犯五諸侯

景雲二年三月壬申太白入羽林八月己未歲星犯

執法太極元年三月壬申熒惑入東井先天元年八月四

日夜月蝕盡有甲子太白襲月占曰太白兵象月大

星入月魄中臣體案紀是年八月元宗即位二年十一月丙子熒惑犯司怪

開元二年七月己丑太白犯輿鬼東南星七年六月

甲戌太白犯東井鉞星占曰斧鉞用八年三月庚午

犯東井北轅五月甲子犯軒轅十一年十一月丁卯

歲星犯進賢十四年十月甲寅太白晝見二十五年

六月壬戌熒惑犯房二十七年七月辛丑犯南斗占

曰貴相凶天寶十三載五月熒惑守心五旬餘占曰

主去其宮十四載十二月月食歲星在東井占曰其

國亡東井京師分也

至德二載七月己酉太白晝見經天至於十一月戊

午不見歷秦周楚鄭宋燕之分十二月歲星犯軒轅

大星占曰女主謀君乾元元年正月癸未一更月掩

心前星三更四占曰太子憂六月癸丑入南斗魁中

占曰大人憂二年正月癸未歲星蝕月在翼楚分也

一曰饑二月丙辰月犯心中星心前大星相去三寸占曰主命

惡之上元元年五月癸丑月掩昴占曰胡王死八月

巳酉舊書紀七月巳丑太白犯進賢十二月癸未歲

星掩房占曰將相憂三年建子月癸巳月掩昴出昴

北八月丁卯又掩昴寶應二年案紀此即廣德元年去年四月代宗即位

四月巳丑月掩歲星占曰饑永泰元年九月辛卯太

白晝見經天是月吐蕃逼京畿大曆二年七月癸亥熒惑入

氏其色赤黃乙丑鎮星犯水位在東井初度占曰有水災

庚午夜月乙亥舊書歲星犯司怪八月壬午月入氏

戊子月犯牽牛相去九寸丙申舊書巳丑犯畢相去四寸九月戊申歲

星守東井凡七占皆為有兵乙卯吐蕃入寇至邠寧乙丑舊書

紀同熒惑犯南斗相去五寸在燕分十一月辛酉夜本紀

甲子夜月去軒轅一尺十二月丁丑舊書犯壁壘占曰兵起三

年正月壬子月掩畢三月癸丑夜太白去天衢八寸

八月巳未舊書復掩畢辛酉入東井壬戌火星去太白

太白犯左執法相去一尺九月壬申歲星入輿鬼占曰歲星為貴

臣輿鬼主死喪丁丑熒惑入太微二旬而出巳卯太

白犯左執法相去六寸戊子夜歲星去輿鬼一尺巳

太微五寸太白去進賢四寸癸巳去靈臺一尺案庚戌癸巳當有一譌四年二月壬寅

熒惑守房上相丙午有芒角去房星二尺三月壬午逆行

入氏中癸未月去氏一尺是月戊子鎮星犯輿鬼七月戊辰熒

唐書卷五十三天文 月五星凌犯 七

惑犯次相九月丁卯犯建星舊書犯郎位占曰大臣相譖

五年二月舊書四月乙巳歲星入軒轅六月丙申月去太

寸丁酉月犯進賢去哭星二寸庚子犯氏去氏七寸庚戌太白

入東井六年七月乙巳月掩畢入畢中壬子月犯太微去

微二寸八月甲戌熒惑犯鄭星庚辰月入太微舊書紀入紫微

垣九月壬辰熒惑犯哭星相去二寸庚子犯泣星相去四寸是

夜月掩畢丁未入太微辛亥熒惑入壁壘十月丁卯掩畢已

巳熒惑犯壘壁甲戌月入軒轅占曰憂在後宮十一

月壬寅入太微丙午掩氏十二月己巳入太微七年

正月乙未犯軒轅二月戊午掩天關占曰亂臣更天

子法令辛酉月通輿鬼紀作甲寅巳巳熒惑犯天街三月辛卯四

月丁巳入東井辛未歲星犯左角占曰天下之道不

通壬申月入羽林丙子鎮星臨太微五月丙戌月入太微六

乙亥月臨東井十二月甲子太白入羽林八年四月癸丑歲星掩房占曰

將相憂又宋分也甲寅熒惑入壘壁五月庚辰入羽

林七月己卯太白入東井留七日非常度也占曰秦

有兵辛卯熒惑臨月乙未月入畢中八月戊午癸未舊書志此下九

月月入羽林己丑太白入舊書志月入案太微占曰

兵入天廷八月晝見舊書志無十月癸卯太白臨進賢

丁巳月掩畢壬戌入輿鬼掩質星庚午月及太白入

氏中占曰君有哭泣事十一月巳卯月入羽林壬午鎮星

賢通進 癸未太白入房占曰白衣會不曰犯而曰入蓋

鉤鈴間癸巳月入太微垣 癸丑舊書志此下閏十一月案舊書紀是月壬寅朔當從舊書

月掩天關甲寅入東井乙丑月掩天關 癸酉舊書志在十二

月此屬 入羽林九年正月癸丑熒惑逼諸王星 三月丁未熒惑入

東井乙亥月臨軒轅 丁丑月入太微五月已酉太白 己未太

白入軒轅占曰憂在後宮辛酉辰星逼軒轅 六月戊寅月 已

卯月掩南斗庚辰入太微戊子太白臨左執法 七月甲辰掩房

辛亥入羽林壬戌入輿鬼八月辛卯月掩軒轅 九月辛丑舊書庚子

朱泚自幽州入朝是夜 太白入南斗占曰有反臣又曰有赦甲

子熒惑入氏宋分也十月戊子歲星入南斗占曰大

臣有誅十二月戊辰月入羽林十年正月昭義軍亂逐薛崇田承嗣

據河北叛戊申月逼軒轅 三月陝州軍亂逐李國清 庚戌熒惑

入壘壁四月甲子入羽林庚午月臨軒轅六月癸亥

臨天困戊辰月近太 八月乙酉熒惑順 戊辰舊書 月

入太微九月甲午月臨房 十一年閏八月丁酉太白晝見經

天其年七月李靈耀以 十二年正月乙丑月掩軒轅

癸酉掩心前星宋分也丙子入南斗魁中二月乙未

鎮星入氏中占曰其分兵喪李正已地也三月壬戌

月入太微戊辰月逼心前星是月 四月庚寅月臨 乙

唐書卷五十二天文 月五星凌犯

未掩心前星五月丙辰入太微戊戌舊書志在六月此屬闕文

羽林七月庚戌入南斗癸丑熒惑逼司怪乙亥熒惑

入東井十月已丑月壬辰月掩昴乙未月臨庚子入

太微臨左執法十一月癸丑太白乙卯入羽林戊辰

左執法十二月辛巳鎮星壬午復入羽林自六年至此

月入太微者十有二入羽林者八熒惑三入東井再

入羽林三入壘壁月太白歲星皆入南斗魁中十四

年春歲星入東井

建中元年十一月月食歲星在秦分占曰其國亡是

月歲星食天尸天尸輿鬼中星占曰有妖言小人在

位君王失樞死者大半三年七月月掩心中星貞元

四年五月丁卯月犯歲星在營室六月癸卯熒惑逆

行入羽林占曰軍有憂六年五月戊辰月犯太白間

容一指占曰大將死十年四月太白晝見十一年七

月熒惑太白相繼犯太微上將十三年二月戊辰太

白入昴三月庚寅月犯太白十九年三月熒惑入南

斗色如血斗吳越分色如血者旱祥也二十一年案

此即永貞元年正月正月已酉舊書紀在二月案紀正月

月丙申順宗即位舊紀太白犯昴趙分也

永貞元年十二月丙午月犯畢已酉歲星犯太微西

垣將相位也

案紀是年八月憲宗即位

元和元年十月太白入南斗十二月復犯之斗吳分也二年正月癸丑月犯太白於女虛二月壬申月掩歲星占曰大臣死四月丙子太白犯東井北轅己卯月犯房上相三年三月乙未鎮星蝕月在氏占曰其地主死四年九月癸亥太白犯南斗七年正月辛未月掩熒惑五月癸亥熒惑犯右執法六月己亥月犯南斗魁第四星西八年七月四日月去太微東垣十月己丑熒惑犯太微北五寸所西月犯五諸侯去西第四星南七寸所西上將去西垣之南首星西北四寸所十二月掩左執法九年二月

丁酉月犯心中星

東北七寸所

七月辛亥掩心中星占曰

其宿地凶心豫州分壬辰

舊書紀七月丙午朔無壬辰

月掩軒轅

是月太白入南斗至十月出乃晝見熒惑入南斗中

因留犯之南斗天廟又丞相位也

九月己丑月掩軒轅

十年八

月丙午月入南斗魁中十一年二月丙辰月掩心是

月熒惑入氏因逆行三月己丑月犯鎮星在女齊分

也四月丙辰太白犯輿鬼占曰有僂臣六月甲辰月

掩心後星是月熒惑復入氏是謂句己十一月戊寅

月犯歲星十二月甲午犯鎮星在危亦齊分也十二

年三月丁丑月犯心十三年正月乙未歲星逆行犯

太微西上將三月熒惑入南斗因逆留至於七月在南斗中大如五升器色赤而怒乃東行非常也八月

已未月近南斗魁壬戌太白順行近太微甲戌太白犯左執法乙巳舊書紀九

月甲辰此熒惑犯哭星十月甲子月犯昴趙分也十

四年正月已丑月近東并北轅星癸卯月犯南斗魁占曰相凶

五月丙戌舊書庚寅月犯心中星西南一尺所七月乙酉掩心

中星十五年正月丙申復犯中星四月太白犯昴案紀

自此以下七月庚申熒惑逆行入羽林八月己卯月

掩牽牛吳越分也十一月壬子月犯東并北轅

長慶元年正月丙午月掩東并鉞遂犯南轅第一星

去七寸所二月乙亥太白犯昴東南五寸所趙分也丁亥月犯

歲星南六寸所在尾十三度占曰大臣死燕分也三月庚戌

太白犯五車東南七寸所因晝見至於七月以歷度推之

在唐及趙魏之分占曰兵起七月壬寅月掩房次相

八月辛巳太白在軒轅左角西北一尺所九月戌戌壬辰夜太白去太微垣南第一星一尺所夜太

白順行入太微去乙巳太白犯左執法去二寸所辛右執法星一尺所亥月去天關

西北八寸二年二月甲戌夜熒惑九月太白晝見熒惑守

天困六旬餘乃去占曰天困上帝之藏耗祥也十月

熒惑犯鎮星於昴甲子月掩牽牛中星占曰吳越凶

乙丑太白去南斗魁庚辰月去十一月丁丑掩左角房一尺所

十二月丁未復掩之占曰將死庚戌夜月近房星壬子五更後月近太白相去

一尺所甲寅月犯太白於南斗四年二月癸卯太白犯東井三月

庚午舊書壬申太白犯東井北轅遂入井中晝見經天七

日而出因犯輿鬼京師分也四月十七日染院作人張韶於紫草車中載兵

器犯銀臺門共三十七人入大內對食於清思殿其日禁兵誅之五月乙亥月掩畢

大星六月丙戌鎮星依厓在觜躔羸行至參六度當

居不居失行而前遂犯井鉞占曰所居宿久國福厚

易福薄又曰羸為王不寧鉞主斬刈而又犯之其占

重癸未舊書在八月此屬闕文熒惑犯東井丁亥舊書癸未入井中

已丑太白犯軒轅右角因晝見至於九月占曰相凶

十月辛巳月入畢口十一月熒惑逆行向參鎮星守

天關十二月戊子月掩東井案紀四年已下敬宗即位

寶厓元年四月壬寅熒惑入輿鬼掩積尸七月癸卯

犯執法甲辰鎮星犯東井已酉月犯西成去八寸所甲子月掩畢

大星閏七月癸巳夜月去心距九寸癸未舊書在九月此屬闕

文太白犯南斗丙戌月犯畢舊書紀犯右執法○甲午月犯太微左執法

十月辛亥犯天困癸亥太白臨哭星相去九寸紀在壬戌十一月庚辰

舊書紀鎮星復犯東井相去七寸癸未月犯東井相去六寸

癸酉申月二年正月甲申犯左舊書執法相去五寸戊子入於

氏二月丙午犯畢五月甲戌月去太微八寸所甲午熒惑犯昴

六月庚申太白犯昴七月壬申月犯畢舊書辰八月甲辰

太白去太微八寸所紀在丙申庚戌熒惑舊書紀犯輿鬼相去七寸

大和元年正月庚午月掩畢三月癸丑入畢口掩大

星月變於畢者自寶曆元年九月及茲而五五月月

掩熒惑在太微西垣丙戌熒惑犯右執法九月戊寅月掩東井

南轅二年正月庚午月掩鎮星七月甲辰熒惑掩輿

鬼質星十月丁卯月掩東井北轅三年二月乙卯太

白犯昴壬申熒惑犯右執法七月入於氏十月入於

南斗四年四月庚申舊書月掩南斗杓次星十一月

辛未熒惑犯右舊書執法西北五年二月甲申月掩

熒惑三月熒惑犯南斗杓次星六年四月辛未月掩

鎮星於端門巳丑太白晝見七月戊戌月掩心中大星

辛丑掩南斗杓次星七年五月甲辰熒惑守心中星

六月丙子月掩心中星遂犯熒惑七月甲午月掩心

中星丙申掩南斗口第二星九月丁巳入於箕戊辰

入於南斗癸酉太白入南斗冬鎮星守角八年二月

始去七月巳巳月犯昴九月癸丑十月庚子

熒惑鎮星合於亢十二月丙戌舊書紀月掩昴是歲

月入南斗者五占曰大人憂九年夏太白晝見自軒

轅至於翼軫六月庚寅月掩歲星在危而暈十月庚

辰月復掩歲星在危開成元年正月甲辰太白掩建
 星占曰大臣相譖六月丁未月掩心前星八月乙巳
 入南斗二年正月壬申月掩昴二月巳亥月掩太白
 於昴中六月甲寅月掩昴而暈太白亦有暈六月
案上巳書甲寅不應
月衍文 巳酉復有巳酉疑有譌字 大星晝見庚申太
 白入於東井七月壬申月入南斗丁亥掩太白於柳
 八月壬子太白入太微遂犯左右執法九月丙子月
 掩昴三年二月巳酉掩心前星二月案上巳書 戊午
二月衍文
 榮惑入東井三月乙酉入輿鬼五月辛酉太白犯輿
 鬼庚午月犯心中星甲寅舊書志六月二十八日案
紀六月丁亥朔則正當甲

寅此闕 太白犯右執法七月乙丑月掩心前星十月
六月文
 辛卯太白犯南斗四年二月丁卯月掩歲星於畢三
 月乙酉掩東井七月乙未舊書 月犯熒惑占曰貴臣
辛丑
 死八月壬申熒惑犯鉞遂入東井十月戊午舊書 辰
辛酉
 星入南斗魁中占曰大赦五年春木當王而歲星小
 闇無光占曰有大喪二月壬申熒惑入輿鬼案紀自
此已下
武宗 即位 四月太白歲星入輿鬼五月辰星見於七星色
 赤如火七月乙酉月掩鎮星
 會昌元年九月癸巳熒 閏九月丁酉熒惑入輿鬼中
惑犯輿鬼
 占曰有兵喪戊戌在 十二月庚午月犯太白於羽林
鬼中

二年正月壬戌掩太白於羽林六月丙寅太白犯東井十月丙戌月掩歲星於角三年三月丙申又掩歲星於角七月癸巳熒惑入東井色蒼赤動搖井中八月丁丑犯輿鬼十月壬午晝月食太白於亢四年二月歲星守房掩上相熒惑逆行守軒轅四旬乃去庚申月掩畢大星十月癸未太白與熒惑合遂入南斗五年二月壬午太白掩昴在昴一度五月辛酉入畢口星距一尺八月壬午犯軒轅大星九月癸巳熒惑犯太微上將六年二月丁丑犯畢大星丁亥月出無光犯熒惑於太微頃之乃稍有光遂犯左執法丙申掩牽牛

南星遂犯歲星牽牛揚州分

大中十一年八月熒惑犯東井

咸通十年春熒惑逆行守心

乾符二年四月庚辰太白晝見在昴三年七月常星晝見四年七月月犯房六年冬歲星入南斗魁中占曰有反臣光啟二年四月熒惑犯月角文德元年七月丙午月入南斗案紀自此已下昭宗即位八月熒惑守輿鬼占曰多戰死

龍紀元年七月甲辰月犯心乾寧二年七月癸亥熒惑犯心光化二年鎮星入南斗三年八月壬申太白

應見在氏不見至九月丁亥乃見是謂當出不出十
一月丁未太白犯月因晝見天復元年五月自丁酉
至於巳亥太白晝見經天在井度十月大角五色散
搖煌煌如火占曰王者惡之二年五月甲子太白襲
熒惑在軒轅后星上太白遂犯端門又犯長垣中星
占曰賊臣謀亂京畿大戰十月甲戌太白夕見在斗
去地一丈而墜占曰兵聚其下又曰山摧石裂大水
竭庚子辰星見氏中小而不明占曰負海之國大水
是歲鎮星守虛三年二月始去虛十一月丙戌案紀十一月
月丁酉朔無丙戌太白在南斗去地五尺許色小而黃至明

年正月乃高十丈光芒甚大是冬熒惑徘徊於東井
間久而不去京師分也天祐元年二月辛卯太白夕
見昴西色赤炎燄如火壬辰有三角如花而動搖占
曰有反城有火災胡兵起六月甲午太白在張芒角
甚大癸丑句巳犯水位自夏及秋大角五色散搖煌
煌然占同天復初

天祐三年八月丙午歲星在哭星上生黃白氣如孛
狀

五星聚合

武德元年七月丙午鎮星太白辰星聚於東井關中

分也二年三月丙申鎮星太白辰星復聚於東井九年六月巳卯歲星辰星合於東井占曰為變謀二十

辰歲太白又會於東井

貞觀十八年五月太白辰星合於東井占曰為兵謀十九年六月丙辰太宗征高麗次安市城太白辰星合於東井史記曰太白為主辰星為客為蠻夷出相從而兵在野為戰

永徽元年七月辛酉歲星太白合於柳在秦分占曰兵起

景龍元年十月丙寅太白熒惑合於虛危占曰有喪
景雲二年七月鎮星太白合於張占曰內兵太極元年四月熒惑太白合於東井

天寶九載八月五星聚於尾箕熒惑先至而又先去尾箕燕分也占曰有德則慶無德則殃十四載二月熒惑太白闕於畢昴井鬼間至四月乃伏十五載三月乙酉歲太白熒惑合於東井五月熒惑鎮星同在虛危中天芒角

大動搖占者以為北方之宿子午相衝災在南方至德二載四月壬寅舊書紀乙酉歲星熒惑太白辰星舊書紀無聚於鶉首從歲星也罰星先去而歲星留占曰歲星熒惑為陽太白辰星為陰陰主外邦陽主中邦

陽與陰合中外相連以兵八月太白芒怒掩歲星於
鶉火又晝見經天鶉火周分也乾元元年四月熒惑
鎮星太白聚於營室太史南宮沛奏其地戰不勝衛
分也太史南宮沛奏所合之處戰不勝大人惡之恐
有喪禍明年冬郭子儀等九節度之師自潰於

州相

大曆三年七月壬申五星竝出東方占曰中國利八
年閏十一月壬寅太白辰星合於危齊分也十年正
月甲寅歲星熒惑合於南斗占曰饑旱吳越分也一
日不可用兵七月庚辰舊書庚子案紀是月
無庚辰當從舊書太白辰
星合於柳京師分也

建中二年六月熒惑太白鬪於東井四年六月熒惑
太白復鬪於東井京師分也金火罰星鬪者戰象也
興元元年春熒惑守歲星在角亢占曰有反臣角亢
鄭也貞元四年五月乙亥歲星熒惑鎮星聚於營室
三十餘日占曰其國亡地在衛分六年閏三月庚申太白
辰星合於東井占為兵憂戊寅熒惑犯鎮星在奎魯
分也

元和九年十月辛未熒惑犯鎮星又與太白合於女
在齊分十年六月辛未舊書紀六月辛
丑朔無辛未歲星熒惑太
白辰星合於東井占曰中外相連以兵十一年五月

丁卯歲星辰星合於東井六月己未復合於東井占

曰為變謀而更事十一月戊子鎮星熒惑合於虛危

十二月鎮星太白辰星聚於危皆齊分也十四年當

舊書紀八月丁丑歲星太白辰星聚於軫占曰兵喪

在楚分與南方夷貊之國十五年三月鎮星太白合

於奎占曰內兵徐州分也案紀自此已十二月熒惑

鎮星合於奎占曰主憂

長慶二年二月甲戌歲星熒惑合於南斗舊書熒惑

七寸所無占曰饑旱八月丙寅熒惑犯鎮星在昴畢

因留相守占曰主憂四年八月庚辰舊書紀熒惑犯

鎮星於東井鎮星既失行犯鉞而熒惑復往犯之占

曰內亂案紀四年已

寶曆二年八月丁未熒惑鎮星復合於東井與鬼間

舊書近鎮

大和二年九月歲星熒惑鎮星聚於七星三年四月

壬申歲星犯鎮星占曰饑四年五月丙午舊書紀五

無丙歲星太白合於東井六年正月太白熒惑合於

羽林十月太白熒惑鎮星聚於軫八年七月庚寅舊書

紀在八月七月太白熒惑合相犯推麻度在翼近太

微占曰兵起開成三年六月丁亥太白犯熒惑於張

占曰有喪四年正月丁巳熒惑太白辰星聚於南斗
推厥度在燕分占曰內外兵喪改立王公冬歲星熒
惑俱逆行失色合於東井京師分也

會昌二年六月乙丑舊書紀甲子熒惑犯歲星於翼占曰

早四年十月癸未太白熒惑合於南斗

咸通中熒惑鎮星太白辰星聚於畢昴在趙魏之分
詔鎮州王景崇被袞冕軍府稱臣以厭之

文德元年八月歲星鎮星太白聚於張周分也占曰

內外有兵爲河內河東地案紀是年三月昭宗卽位

光化三年十月太白鎮星合於南斗占曰吳越有兵

唐書卷第五十二

唐書卷第五十三

志二十九

五行一

從新書本
分註舊書

萬物盈於天地之間而其為物最大且多者有五一曰水二曰火三曰木四曰金五曰土其用於人也非此五物不能以為生而闕其一不可是以聖王重焉夫所謂五物者其見象於天也為五星分位於地也為五方行於四時也為五德稟於人也為五常播於音律為五聲發於文章為五色而總其精氣之用謂之五行自三代之後數術之士興而為災異之學者務極其說至舉天地萬物動植無大小皆推其類而附之於五物曰五行

之屬以謂人稟五行之全氣以生故於物爲最靈其餘
動植之類各得其氣之偏者其發爲英華美實氣臭滋
味羽毛鱗介文采剛柔亦皆得其一氣之盛至其爲變
怪非常失其本性則推以事類吉凶影響其說尤爲委
曲繁密蓋王者之有天下也順天地以治人而取材於
萬物以足用若政得其道而取不過度則天地順成萬
物茂盛而民以安樂謂之至治若政失其道用物傷天
民被其害而愁苦則天地之氣沴三光錯行陰陽寒暑
失節以爲水旱蝗螟風雹雷火山崩水溢泉竭雪霜不
時雨非其物或發爲氛霧虹蜺光怪之類此天地災異

之大者皆生於亂政而考其所發驗以人事往往近其
所失而以類至然時有推之不能合者豈非天地之大
固有不可知者邪若其諸物種類不可勝數下至細微
家人里巷之占有考於人事而合者有漠然而無所應
者皆不足道語曰迅雷風烈必變蓋君子之畏天也見
物有反常而爲變者失其本性則思其有以致而爲之
戒懼雖微不敢忽而已至爲災異之學者不然莫不指
事以爲應及其難合則旁引曲取而遷就其說蓋自漢
儒董仲舒劉向與其子歆之徒皆以春秋洪範爲學而
失聖人之本意至其不通也父子之言自相戾可勝歎

哉昔者箕子爲周武王陳禹所有洪範之書條其事爲九類別其說爲九章謂之九疇考其說初不相附屬而向爲五行傳乃取其五事皇極庶證附於五行以爲人事皆屬五行歟則至於八政五紀三德稽疑福極之類又不能附至俾洪範之書失其倫理有以見所謂旁引曲取而遷就其說也然自漢以來未有非之者又其祥眚禍疢之說自其數術之學故畧存之庶幾深識博聞之士有以考而擇焉夫所謂災者被於物而可知者也水旱螟蝗之類是已異者不可知其所以然者也日食星孛五石六鷁之類是已孔子於春秋記災異而不著

其事應蓋慎之也以謂天道遠非諄諄以諭人而君子見其變則知天之所以譴告恐懼修省而已若推其事應則有合有不合有同有不同至於不合不同則將使君子怠焉以爲偶然而不懼此其深意也蓋聖人慎而不言如此而後世猶爲曲說以妄意天此其不可以傳也故考次武德以來畧依洪範五行傳著其災異而削其事應云

五行傳曰田獵不宿飲酒不享出入不節奪民農時及有姦謀則木不曲直謂生不暢茂多折槁及爲變怪而失其性也又曰貌之不恭是謂不肅厥咎狂厥罰常雨

厥極凶時則有服妖時則有龜孽時則有雞禍時則有

下體生上之病時則有青青青祥鼠妖凡草木之類謂之妖蟲豸之類

謂之孽六畜謂之禍及人謂之病甚則惟金沴木

木不曲直隋文帝時自長安故城東南移於唐興村置新都今西內承天門正當唐興村門今有大槐樹柯枝森鬱即村門樹也有司以行列不正將去之文帝曰高祖嘗坐此樹下不可去也武德四

年亳州老子祠枯樹復生枝葉老子唐祖也占曰枯

木復生權臣執政眭孟以為有受命者九年三月順

天門樓東柱已傾毀而自起占曰木仆而自起國之

災永徽二年十一月甲申陰霧凝凍封樹木數日不

解劉向以為木少陽貴臣象此人將有害則陰氣脅

木先寒故得雨而冰也亦謂之樹介介兵象也顯慶

四年八月有毛桃樹生李李國姓也占曰木生異實

國主殃麟德元年十二月舊書紀在龍朔三年十一月癸酉新書紀作甲戌亦

在三年十一月志作麟德元年十二月誤癸酉氛霧終日不解甲戌雨水

冰儀鳳三年十一月乙未昏霧四塞連夜不解丙申

雨水冰垂拱四年三月雨桂子於台州旬餘乃止占

曰天雨草木人多死長壽二年十月萬象神宮側檉

杉皆變為柏柏貫四時不改柯易葉有士君子之操

檉杉柔脆小人性也象小人居君子之位延載元年

十月癸酉白霧木冰景龍四年三月庚申雨水冰景

龍四年三月庚申雨水冰景

雲二年高祖故第有柿樹自天授中枯死至是復生
 開元二十一年蓬州枯楊生李枝有實與顯慶中毛
 桃生李同二十九年亳州老子祠枯樹復榮十一月
 己巳寒甚雨木冰數日不解寧王見而歎曰樹稼達官怕必有大臣當之其
薨月王 永泰元年三月庚子夜霜木有冰大厯二年十
 一月紛霧如雪草木冰九年舊書九月疑誤晉州神山縣慶
 唐觀枯檜復生十二年五月甲子成都府人郭遠因樵獲瑞木一莖有文曰天下太平四
字興元元年春舊書八月亳州真源縣有李樹植已十四
 年其長尺舊書有八寸至是枝忽上聳高六尺周迴
 如蓋九尺餘李國姓也占曰木生枝聳國有寇盜是

歲中書省枯柳復榮貞元元年十二月雨木冰新書紀在
 秋 四年正月雨木於陳留十里許大如指長寸餘中
 空所下者立如植木生於下而自上隕者上下易位
 之象碎而中空者小人象如植者自立之象二十年
 冬雨木冰元和十五年九月己酉大雨樹無風而摧
 者十五六九月十一日至十四日大雨兼雪街衢禁苑樹無風而摧折連根而拔者不知其數
 近木自拔也占曰木自拔國將亂長慶三年十一月
 丁丑雨木冰成都栗樹結實食之如李寶厯元年十
 一月丙申雨木冰大和三年成都李樹生木瓜空中
 不實七年十二月丙戌夜霧木冰開成四年九月辛

丑雨雪木冰十月己巳亦如之會昌元年十二月丁
丑雨木冰四年正月己酉雨木冰庚戌亦如之咸通
十四年四月成都李實變為木瓜時人以為李國姓
也變者國奪於人之象廣明二年春眉州有檀樹已
枯倒一夕復生

常雨武德六年秋關中久雨少陽曰暘少陰曰雨陽德
衰則陰氣勝故常雨貞觀十五年春霖雨永徽六年
八月京城大雨顯慶元年八月霖雨更九旬乃止

中東都霖雨百餘日閉坊市門駕車者苦其迂街中
言曰宰相不能調陰陽致茲恒雨令我迂行會中書令
楊再思過謂之曰於開元二年五月壬子久雨崇京
理則然亦卿牛劣耳

城門十六年九月關中久雨害稼天寶五載秋大雨
十一載八月久雨十三載秋大霖雨害稼六旬不止
九月閉坊市北門蓋井禁婦人入街市祭元冥太社
崇明德門壞京城垣屋殆盡人亦乏食至德二載三
月癸亥大雨至甲戌乃止上元元年四月雨訖閏月
乃止二年秋霖雨連月渠竇生魚永泰元年九月丙
午大雨至於丙寅舊書紀甲寅大厯四年四月雨至於九
月京師米斗八百文官出
太倉米賤糶以救饑人閉坊市北門置土臺臺上
置壇立黃幡以祈晴五年夏復大雨京城饑
出太倉米減價以救人六年八
月連雨害秋稼貞元二年正月乙未大雨雪至於庚

子平地數尺雪上黃黑如塵五月乙巳當從舊書紀作癸巳雨

至於丙申時大饑至是麥將登復大霖雨衆心恐懼

十年春雨至閏四月案舊書紀正月乙亥朔六月壬寅朔中間無閏且八年閏十二月十一

應十年復閏四月不間止不過一二日十一年秋大

雨十九年八月己未舊書紀乙未案八月無己未當從紀大霖雨元和

四年四月冊皇太子寧以雨霑服罷十月再擇日冊

又以雨霑服罷近常雨也六年七月霖雨害稼十一

年五月連雨八月壬申舊書紀正月丁卯朔八月無壬申雨至於九

月戊子十五年二月癸未大雨八月久雨閉坊市北

門宋滄景等州大雨自六月癸酉至於丁亥廬舍漂

沒殆盡舊書紀在九月寶曆元年六月雨至於八月大和四

年夏鄆曹濮等州雨壞城郭廬舍殆盡許州自五月大雨水深八

尺壞郡郭居民大半五年正月庚子朔京城陰雪彌旬開成五

年七月霖雨葬文宗龍輜陷不能進大中十年四月

雨至於九月咸通九年六月久雨滎明德門乾符五

年秋大霖雨汾澮及河溢流害稼廣明元年秋八月

大霖雨天復元年八月久雨

服妖唐初宮人乘馬者依周舊儀著羃離全身鄣蔽永

徽後乃用帷帽施裘及頸頗為淺露至神龍末羃離

始絕皆婦人預事之象太尉長孫无忌以烏羊毛為

為渾脫氈帽人多效之謂之趙公渾脫近服妖也高

宗嘗內宴太平公主紫衫玉帶皂羅折上巾具紛礪

七事歌舞於帝前帝與武后笑曰女子不可為武官

何為此裝束近服妖也上元中為服令九品已上佩刀礪等袋紛悅為魚形結帛

作之為魚象鯉強之意也則天時此制遂絕景雲後又佩之武后時嬖臣張易之

為母臧作七寶帳有魚龍鸞鳳之形仍為象牀犀簾

則天令鳳閣侍郎李迥秀妻之迥秀不獲已然心惡其老薄之阿臧怒山迥秀為定州刺史安樂

公主使尚方合百鳥毛織二裘正視為一色傍視為

一色日中為一色影中為一色而百鳥之狀皆見以

其一獻韋后公主又以百獸毛為韉面韋后又集鳥

毛為之皆具其鳥獸狀工費巨萬公主初出降益州

獻單絲碧羅籠褰縷金為花鳥細如絲髮大如黍米

眼鼻背甲皆備瞭視者方見之皆服妖也自作毛裘

貴臣富家多效之江南奇禽異獸毛羽採之殆盡開元

初姚宋執政屢以奢靡為諫元宗悉命宮中出奇服焚之於殿庭不許士庶服錦繡珠翠之服自是採捕

漸息韋后妹嘗為豹頭枕以辟邪白澤枕以辟魅伏熊

枕以宜男亦服妖也韋庶人妹七姨初嫁將軍馮太

王及元宗誅韋后號景龍三年十一月郊祀韋后為

王斬七姨首以獻亞獻以婦人為齋娘以祭祀之服執事近服妖也中

宗賜宰臣宗楚客等巾子樣其制高而踣即帝在藩

邸時冠也故時人號英王踣踣顛仆也開元二十五年正月道士尹愔爲諫議大夫衣道士服視事亦服妖也天寶初貴族及士民好爲胡服胡帽婦人則簪步搖釵衿袖窄小楊貴妃常以假髻爲首飾而好服黃褰近服妖也時人爲之語曰義髻拋河裏黃褰逐水流元和末婦人爲圓髻椎髻不設髻飾不施朱粉惟以烏膏注脣狀似悲啼者圓髻者上不自樹也悲啼者憂恤象也文宗時吳越間織高頭草履織如綾縠前代所無履下物也織草爲之又非正服而被以文飾蓋陰邪闖茸泰侈之象乾符五年洛陽人爲帽

皆冠軍士所冠者又內臣有刻木象頭以裹幘頭百官效之工門如市度木斫之曰此斫尙書頭此斫將軍頭此斫軍容頭近服妖也僖宗時內人束髮極急及在成都蜀婦人效之時謂爲囚髻唐末京都婦人梳髮以兩鬢抱面狀如椎髻時謂之拋家髻又世俗尙以琉璃爲釵釧近服妖也拋家流離皆播遷之兆云昭宗時十六宅諸王以華侈相尙巾幘各自爲制度都人效之則曰爲我作某王頭識者以爲不祥

龜孽大足初虔州獲龜六眼一夕而失肅宗上元二年

有鼉聚於揚州城門上節度使鄧景山以問族弟珽

珽景山對曰鼉介物兵象也大厯八年京師金天門外水渠獲毛龜

貞元三年李納獻毛龜潤州魚鼈蔽江而下皆無首大和三

年魏博管內有蟲狀如龜其鳴晝夜不絕近龜孽也

秦宗權在蔡州州中地忽裂有石出高五六尺廣袤

丈餘正如大龜

雞禍垂拱三年七月冀州雌雞化為雄永昌元年正月

明州雌雞化為雄八月松州雌雞化為雄景龍二年

春滑州匡城縣民家雞有三足京房易妖占曰君用

婦言則雞生妖元宗好鬪雞貴臣外戚皆尚之貧者

或弄木雞識者以為雞酉屬帝生之歲也鬪者兵象

近雞禍也大中八年九月考城縣民家雄雞化為雌

伏子而雄鳴化為雌王室將甲之象反雌伏也漢宣

帝時雌雞化為雄至元帝而王氏始萌蓋馴致其禍

也咸通六年七月徐州彭城民家雞生角角兵象雞

小畜猶賤類也

下體生上之病咸通十四年七月宋州襄邑有獵者得

雉五足三足出背上足出於背者下干上之象五足

者眾也

青雉青祥貞觀十七年四月立晉王為皇太子有青氣

繞東宮殿始冊命而有稜不祥十八年六月壬戌有青黑氣廣六尺貫於辰戌其長亘天大和九年鄭注篋中藥化為蠅數萬飛去注始以藥術進化為蠅者敗死之象近青眚也乾元案乾元誤非乾符卽乾寧舊書紀志無考三年六月昏西北有青氣三

鼠妖武德元年秋李密王世充隔洛水相拒密營中鼠一夕渡水盡去占曰鼠無故皆夜去邑有兵貞觀十三年建州鼠害稼二十一年渝州鼠害稼顯慶三年長孫无忌第有大鼠見於庭月餘出入無常後忽然死龍朔元年十一月洛州貓鼠同處鼠隱伏象盜竊

貓職捕嚙而反與鼠同象司盜者廢職容姦宏道初梁州倉有大鼠長二尺餘為貓所嚙數百鼠反嚙貓少選聚萬餘鼠州遣人捕擊殺之餘皆去景雲中有蛇鼠鬪於右威衛營東街槐樹蛇為鼠所傷鬪者兵象景龍元年案景龍當在景雲上或錯簡或互譌也基州鼠害稼開元

二年韶州鼠害稼千萬為羣天寶元年十月魏郡貓鼠同乳同乳者甚於同處大麻八年七月白鼠出內

內獲白鼠十三年六月隴右節度使朱泚於兵家得貓鼠同乳以獻六月戊戌隴右沂源縣軍士趙貴家貓鼠同乳不相害節度使朱泚籠之以獻宰相常袞率百僚拜表賀中書舍人崔祐甫曰此物之失性也天生萬物剛柔有性聖人因之垂訓作則禮迎

唐書卷五十三
二
貓爲食田鼠也然則貓之食鼠載在祀典以其能除
害利人雖微必錄今此貓對鼠不食何異法吏不勤
觸邪疆吏不勤扞敵據禮部式錄三瑞無貓不食鼠
之目以此稱慶理所未詳以劉向五行傳言之恐須
申命憲司察聽貪吏誠諸邊境無失傲
巡則貓能致功鼠不爲害帝深然之
大和三年成

都貓鼠相乳開成四年江西鼠害稼咸通十二年正
月汾州孝義縣民家鼠多銜蒿芻巢樹上鼠穴居去
穴登木賤人將貴之象乾符三年秋河東諸州多鼠
穴屋壞衣三月止鼠盜也天戒若曰將有盜矣乾寧
未陝州有蛇鼠鬪於南門之內蛇死而鼠亡去

金沴木武德元年八月戊戌突厥始畢可汗衙帳無故
自壞中宗卽位金雞竿折樹雞竿所以肆赦始發大
號而雞竿折不祥神龍中有羣狐入御史大夫李承
嘉第其堂無故壞又秉筆而管直裂易之又裂開元
五年正月癸卯太廟四室壞天寶十四載十二月哥
舒翰帥師守潼關前軍啟行牙門旗至坊門觸落槍
刃衆以爲不祥永泰二年三月辛酉中書敕庫壞貞
元四年正月庚戌朔德宗御含元殿受朝賀質明殿
階及欄檻三十餘間自壞衛士死者十餘人含元路
寢大朝會之所御也正月朔一歲之元王者之事天
所以儆者重矣大和九年鄭注爲鳳翔節度使將之
鎮出開遠門旗竿折光啟初揚州府署門屋自壞故

隋之行臺門也制度甚宏麗云

五行傳曰棄法律逐功臣殺太子以妾為妻則火不炎
上謂火失其性而為災也京房易傳曰上不儉下不節
盛火數起燔宮室蓋火主禮云又曰視之不明是謂不
哲厥咎舒厥罰常燠厥極疾時則有草妖時則有羽蟲之
孽時則有羊禍時則有目痾時則有赤眚赤祥惟水沴火
火不炎上貞觀四年正月癸巳武德殿北院火十三年
三月壬寅舊書四月二十九日紀作四月壬寅案四
月甲戌朔則二十九日正壬寅也三月無
壬寅雲陽石燃方丈晝則如灰夜則有光投草木則
焚歷年乃止火失其性而沴金也二十三年三月甲

弩庫火永徽五年十二月乙巳尚書司勳庫火顯慶

元年九月戊辰恩州吉州火焚倉廩甲仗民居二百

餘家十一月己巳饒州火證聖元年正月丙申夜明

堂火延及天堂武太后欲避正殿徹樂宰相姚壽以為火

因人非天災也不宜貶損后乃御端門觀酺引建章

故事復作明堂以厭之是歲內庫災燔二百餘區則天

時建昌王武攸寧置內庫長五百步二百餘間
別貯財物以求媚一夕為天災所燔玩好並盡萬歲

登封元年三月壬寅撫州火久視元年八月壬子平

州火燔千餘家景龍四年二月東都凌空觀災火自東北

來金銅諸像開元五年十一月舊書紀四月乙卯定陵

寢殿火是歲洪州潭州災延燒州署州人見有物赤

而噉噉飛來旋即火發十五年七月甲戌舊書甲寅誤興

教門樓柱災雷震與教門樓兩鳴是年衡州災延燒

三百餘家州人見有物大如甕赤如燭籠所至火即

發十八年二月丙寅大雨雪俄而雷震左飛龍廐災

占曰天火燒廐兵大起十月乙丑東都宮佛光寺火

天寶二年六月東都應天門觀災延燒左右延福門

經日不滅京房易傳曰君不思道天火燔其宮室九

載三月華岳廟災時帝將封西嶽以廟災乃止十載

正月大風陝州運船失火燒二百一十五隻損米八

月丙辰武庫災燔兵器四十餘萬燒二十八間十九架兵器四十七萬

件武庫甲兵之本也寶應元年十一月迺統焚東都

子日而盡案十二月巳酉太府左藏庫火廣德元年宜春苑延及明堂甲

是月無甲子十二月辛卯夜鄂州大風火發江中焚舟三千艘延

及岸上民居二千餘家死者數千人大厯十年二月

莊嚴寺浮圖災初有疾風震電俄而火從浮圖中出

寺僧數百人急救貞元元年江陵度支院火焚江東

之乃止棟宇無損租賦百餘萬七年蘇州火十三年正月東都尚書省火十

九年四月家令寺火二年二月下當有十字七月洪

州火燔民舍萬七千家元和四年御史臺舍火七年六月鎮

州甲仗庫災

燒一十三間

主吏坐死者百餘人

節度使王承宗方拒

天軍而兵仗為災所焚天意嫉惡也

八年江陵大火

十年四月河陰轉運院火十一月獻

陵寢宮

永巷火十一年十一月甲戌元陵火

十二月未央宮及飛龍草場火

皆王承宗李師道謀燒用兵陰遣盜縱火也

李師道起宮室於鄆州將謀

亂既成而火大和二年十一月甲辰禁中昭德寺火

延至宣政東垣及門下省宮人死者數百人三年十

月癸丑仗內火四年三月陳州許州火燒萬餘家十

月浙西火十一月揚州海陵火八年三月揚州火皆

燔民舍千區五月己巳飛龍神駒中厩火十月揚州

市火燔民舍數千區十二月禁中昭成寺火

九年六月乙亥

西市

開成二年六月徐州火延燒民居三百餘家四

年十二月乙卯乾陵火丁丑晦揚州市火燔民舍數

千家會昌元年五月潞州市火三年六月西內神龍

寺火萬年縣東市火焚廬舍甚眾六年八月葬武宗辛

未靈駕次三原縣夜大風行宮幔城火乾符四年十

月東都聖善寺火大順二年六月乙酉幽州市樓災

延及數百步七月癸丑甲夜汴州相國寺佛閣災是

日暮微雨震電或見有赤塊轉門譙藤網中周而火

作頃之赤塊北飛轉佛閣藤網中亦周而火作既而

大雨暴至平地水深數尺火益甚延及民居三日不

滅

常燠天寶元年冬無冰先儒以為陰失節也又曰知罪不誅其罰燠夏則暑殺人冬則物華實蓋當寒反燠象宜刑而賞之也貞元十四年夏大燠元和九年六月大燠長慶二年冬少雪水不冰凍草木萌蕒如正月廣明元年十一月煖如仲春

草妖武德四年益州獻芝草如人狀占曰主德將衰下人將起則有木生為人狀草亦木類也景龍二年岐州郿縣民王上賓家有苦蕒菜高三尺餘上廣尺餘厚二分近草妖也三年內出蒜條上重生蒜蒜惡草

也重生者其類眾也四年京畿藍田山竹實如麥占曰大饑開元二年終南山有華實如麥嶺南亦然竹竝枯死是歲大饑民採食之占曰國中竹栢枯不出三年有喪十七年睦州竹實天寶初臨川郡人李嘉肩屋柱生芝草狀如天尊像太守張景夫拔柱以獻上元二年

七月甲辰延英殿御座上生白芝一莖三花白喪象

也肅宗製玉靈芝三篇羣臣皆賀占曰白芝主喪明年上皇肅宗俱崩二年九月含輝院生金芝永泰

二年六月太廟第二室芝草生大厯四年三月潤州上元縣芝草生一莖四葉高七寸八年廬州廬江縣紫芝生高一丈五尺九年十一月蔡州汝陽縣芝草生紫莖黃蓋大和九年冬鄭注

之金帶有菌生近草妖也開成四年六月襄州山竹

有實成米民採食之光啟元年七月河中解永樂生
草葉自相糝結如旌旗之狀時人以為旗子草二年
七月鳳翔麟遊草生如旗狀占曰其野有兵

羽蟲之孽武德初隋將堯君素守蒲州有鵲巢其砲機

貞觀初白鵲巢於殿庭之槐樹其聲合歡如腰鼓左
右稱賀太宗曰吾嘗笑隋文帝好言祥瑞瑞在得賢
白鵲子何益於事命撥之送於野 貞觀十七年春齊王祐為齊州刺

史好畜鴨有狸嚙鴨頭斷者四十餘是歲四月丙戌
立晉王為太子雌雉集太極殿前雄雉集東宮顯德
殿前太極三朝所會也永徽四年宋州人蔡道基舍
傍有獸高丈餘頭類羊一角鹿形馬蹄牛尾五色有

翅占曰鳥如獸形者有大兵五年七月辛巳萬年宮

有小鳥如雀生子大如鳩鳩調露元年鳴鷄羣飛入

塞相繼蔽野邊人相驚曰突厥犯塞之兆也至二年正月還

復北飛至靈夏北悉墮地而死視之皆無首裴行儉問右史

苗神客曰鳥獸之祥乃應人事何也對曰人雖最靈
而稟性含氣同於萬類故吉凶兆於彼而禍福應於
此聖王受命龍鳳為嘉瑞者和氣同也故漢祖斬蛇
而驗秦之必亡仲尼感麟而知己之將死夷羊在牧
殷紂已滅鵲鳩來巢魯昭出奔鼠舞端門燕刺誅死
大鳥飛集昌邑以敗是故君子虔恭寅畏動必思義
雖在幽獨如承大事知神明之照臨懼患難之及已
雉升鼎耳殷宗側身以修德鵬上座隅賈生作賦以
敘命卒以無患德勝妖也文明後天下屢奏雌雞化為雄或半化者

景龍四年六月辛巳朔鳥集太極殿梁驅之不去開

元十三年十一月戊子雄雉馴飛泰山齋宮內封禪
所以告成功祀事無重於此者而野鳥馴飛不忌禁
衛不祥二十五年四月濮州兩鳥兩鵲兩鸚鵡同巢
隴州鵲哺慈鳥二十八年四月庚辰慈鳥巢宣政殿
棋辛巳又巢宣政殿棋天寶十三載葉縣有鵲巢於
車轍中不巢木而巢地失其所也至德二載三月安
祿山將武令珣圍南陽有鵲巢於城中砲機者三鵲
成乃去大厯八年四月戊申乾陵上仙觀之尊殿有
雙鵲銜泥及柴補殿之隙壞凡十
五九月武功獲大鳥肉翅狐首四足有爪長四尺餘
毛赤如蝙蝠羣鳥隨而噪之神策將軍張
日芬射得之近羽蟲孽

也十一年滑
州獲赤鳥十三年五月左羽林軍有鸚鵡乳鵲二

貞元四年三月中書省梧桐樹有鵲以泥爲巢鵲巢
知歲次於羽蟲爲有知今以泥露巢遇風雨壞矣是

歲夏鄭汴境內鳥舊書
作鳥皆羣飛集魏博田緒淄青李

納境內銜木爲城高二三尺方十里緒納惡而焚之

信宿又然烏口皆流血九年春許州鵲哺鳥雛十年

四月有大鳥飛集宮中食雜骨數日獲之不食死六

月辛未晦水鳥集左藏庫其夜
暴雨十三年十月懷州鶴

鵲巢內有黃雀往來哺食十四年秋有異鳥色青類

鳩鵲見於宋州郊外所止之處羣鳥翼衛朝夕嘽稻

梁以哺之睢陽人適野聚觀者旬日

人不知其名郡人李翱見之日

此鸞也鳳之次

十八年六月鳥集徐州之滕縣嗛柴為城中

有白鳥一碧鳥一元和元年常州鵲巢於平地四年

十二月羣鳥夜集於太行山上十三年春淄青府署

及城中烏鵲互取其雛各以哺子更相搏擊不能禁

長慶元年六月濮州雷澤縣人張憲家榆樹鳥巢因風墮二雛別樹鵲引二鳥雛於巢哺之

寶麻

元年十一月丙申羣鳥夜鳴開成元年閏五月丙戌

鳥集唐安寺逾月散雀集元法寺燕集蕭望之家二

年三月真興門外鵲巢於古冢鵲巢知避歲而古占

又以高下卜水旱今不巢於木而穴於冢不祥秋突

厥鳥自塞北羣飛入塞五年六月有禿鶯羣飛集禁

苑鶯水鳥也會昌元年潞州長子有白頸鳥與鵲鬪

大中十年

舊書紀十一年

三月舒州吳塘堰有衆禽成巢闊七

尺高一尺

舊書紀作丈

水禽山鳥無不馴狎中有如人面

綠毛紺爪觜者其聲曰甘人謂之甘蟲占曰有鳥非

常來宿於邑中國有兵人相食咸通七年涇州靈臺

百里戌有雀生燕至大俱飛去京房易傳曰賊臣在

國厥妖燕生雀雀生燕同說十一年夏雉集河內縣

署咸通中吳越有異鳥極大四目三足鳴山林其聲

曰羅平占曰國有兵人相食乾符四年春廬江縣北

鵲巢於地六年夏鴟雉集於偃師南樓及縣署劉向
說野鳥入處宮室將空廣明元年春絳州翼城縣有
鵠鷓鳥羣飛集縣署衆鳥逐而噪之光啟元年二月
復如之鵠鷓一名訓狐中和元年三月陳留有鳥變
爲鵲二年有鵲變爲鳥古者以鳥卜軍之勝負鳥變
爲鵲民從賊之象鵲復變爲鳥賊復爲民之象三年
新安縣吏家捕得雉養之與雞馴月餘相與鬪死四
年臨淮漣水民家鷹化爲鵝而弗能游鷹以鷲而擊
武臣象也鵝雖毛羽清潔而飛不能遠無搏擊之用
充庖厨而已光啟元年十二月陝州平陸集津山有

雉二首向背而連頸者棲集津倉廡後數月羣雉數
百來鬪殺之二年正月閬鄉湖城野雉及鳶夜鳴七
月中條山鵲焚其巢三年七月鵲復焚巢京房易傳
曰人君暴虐鳥焚其舍三年十月慈州作城梟與鴟
鬪相殺光化二年幽州節度使劉仁恭屠貝州去夜
有鵠鷓鳥十數飛入帳中逐去復來昭宗時有禿鷲
鳥巢寢殿隅帝親射殺之天復二年帝在鳳翔十一
月丁巳日南至夜驟風有鳥數千迄明飛噪數日不
止自車駕在岐常有鳥數萬棲殿前諸樹岐人謂之
神鴉三年宣州有鳥如雉而大尾有火光如散星集

於戟門明日大火曹局皆盡惟兵械存

羊禍義寧

案義寧上
當有隋字

二年三月丙辰麟遊縣有羔生而

無尾是月乙丑太原獻殺羊無頭而不死開元二年

正月原州獻肉角羊二年三月富平縣有肉角羊會

昌二年春代州崞縣羊生二首連頸兩尾占曰二首

上不一也咸通三年夏平陶民家羊生羔如犢乾符三

年洛陽建春門外因暴雨有物墮地如殺羊不食頃

之入地中其迹月餘不滅或以為雨工也占曰當旱

赤青赤祥武德七年河間王孝恭征輔公祐宴羣帥於

舟中孝恭以金盃酌江水將飲之則化為血孝恭曰

盃中之血公祐授首之祥武德初突厥國中雨血三

日光宅初宗室岐州刺史崇真之子橫杭等夜宴忽

有氣如血腥武后時來俊臣家井水變赤如血井中

夜有吁嗟歎惋聲俊臣以木棧之木忽自投十步外

長安中并州晉祠水赤如血中宗時成王千里家有

血點地及奩箱上有血淋瀝腥聞數步又中郎將東

夷人毛婆羅炊飯一夕化為血景龍二年七月癸巳

舊書元年九月十八日誤赤氣際天光燭地三日乃止赤氣血祥

也天寶六載少陵原楊慎矜父墓封域內草木皆流

血慎矜令浮屠

慎矜傳作胡
人此疑誤

史敬思禳之退朝裸而

桎梏於叢棘間如是數旬而流血不止十二載李林甫第東北隅每夜火光起或有如小兒持火出入者

近赤祥也寶應元年八月庚午舊書天文志壬子誤夜有赤光亘

天貫紫微漸移東北彌漫半天舊書天文志辛未夜江陵見赤光貫北斗

俄僕固懷恩叛明年十月吐蕃陷長安代宗避狄幸陝州大厯十三年二月太僕

寺有泥象左臂上有黑汗滴下以紙承之血也明年五月

代宗崩貞元二年十一月壬午舊書紀十一日沒有赤

氣五出於黑雲中亘天十二年九月癸卯夜有赤氣

如火見北方上至北斗十七年福州劍池水赤如血

二十一年正月甲戌雨赤雪於京師元和十四年二

月鄆州從事院門前地有血方尺餘色甚鮮赤不知

所從來人以爲自空而墮也長慶元年七月戊午河

水赤三日止寶厯元年十二月乙酉舊書紀戊申案十二月巳亥朔

無乙酉當是巳酉兩書皆作乙酉誤夜西北有霧起須臾徧天霧止有

赤氣或淺或深久而乃散大和元年四月庚戌北方

有赤氣中有數白氣間之六月乙卯夜西北有赤氣

八月癸卯京師見赤氣滿天二年閏三月乙卯北方

有赤氣如血咸通七年鄭州永福湖水赤如凝血者

三日乾符六年中書政事堂忽旦有死人血汚滿地

不知主名又御井水色赤而腥渫之得一死女子腐

爛近赤祥也中和二年七月丙午夜西北方赤氣如
絳際天光啟元年正月潤州江水赤凡數日
水沴火幽州坊谷地常有火長慶三年夏遂積水爲池
近水沴火也

唐書卷第五十三

唐書卷第五十四

志三十

五行二

從新書本
分注舊書

五行傳曰治宮室飾臺榭內淫亂犯親戚侮父兄則稼
穡不成謂土失其性則有水旱之災草木百穀不熟也
又曰思之不睿是謂不聖厥咎霧厥罰常風厥極凶短
折時則有脂夜之妖時則有華孽羸蟲之孽時則有牛
禍時則有心腹之痾時則有黃眚黃祥時則有木火金
水沴土

稼穡不成貞觀元年關內饑總章二年諸州四十餘饑
關中尤甚儀鳳四年春東都饑調露元年秋關中饑

永隆元年冬東都饑永淳元年關中及山南州二十
六饑京師人相食垂拱三年天下饑大足元年春河
南諸州饑景龍二年春饑三年三月饑先天二年冬
京師岐隴幽州饑開元十六年河北饑乾元三年春
饑米斗錢千五百廣德二年秋關輔饑米斗千錢永
泰元年饑京師米斗千錢貞元元年春大饑東都河
南河北米斗千錢死者相枕二年五月麥將登而雨
霖米斗千錢十四年京師及河南饑十九年秋關輔
饑元和七年春饑八年廣州饑九年春關內饑十一
年東都陳許州饑長慶二年江淮饑大和四年河北

及太原饑六年春劍南饑九年春饑河北尤甚開成
四年温台明等州饑大中五年冬湖南饑六年夏淮
南饑海陵高郵民於官河中漉得異米號聖米九年
秋淮南饑咸通三年夏淮南河南饑九年秋江左及
關內饑東都尤甚乾符三年春京師饑中和二年關
內大饑四年關內大饑人相食光啟二年二月荆襄
大饑米斗三千錢人相食三年揚州大饑米斗萬錢
大順二年春淮南大饑天祐元年十月京師大饑
常風武德二年十二月壬子大風拔木易翼爲風重翼
以申命其及物也象人君誥命其鼓動於天地間有

時飛沙揚塵怒也發屋拔木者怒甚也其占大臣專
恣而氣盛衆逆同志君行蒙闇施於事則皆傷害故
常風又飄風入宮闕一日再三若風聲如雷觸地而
起爲兵將興貞觀十四年六月乙酉大風拔木咸亨
四年八月巳酉大風落太廟鴟尾永隆二年七月舊書
紀閏七月丙寅雍州大風害稼宏道元年十二月壬午晦宋
州大風拔木嗣聖元年四月丁巳寧州大風拔木垂
拱四年十月辛亥大風拔木永昌二年五月丁亥大
風拔木神龍元年三月乙酉睦州大風拔木崔元暉
封博陵郡王也大風折其輅蓋二年六月乙亥滑州

大風拔木景龍元年七月郴州大風發屋拔木八月
宋州大風拔木壞廬舍二年十月辛亥滑州暴風發
屋三月辛未曹州大風拔木開元二年六月京師大
風發屋大木拔者十七八四年六月辛未京師陝華
大風拔木九年七月丙辰揚州潤州暴風雨發屋拔
木十四年六月戊午大風拔木發屋端門鴟尾盡落都
內及寺觀端門號令所從出也十九年六月乙酉大
落者約半風拔木二十二年五月戊子大風拔木天寶十一載
五月甲子舊書紀六東京大風拔木十三載三月辛
酉大風拔木永泰元年三月辛亥大風拔木大厯二年
三月

辛亥夜京師大風發屋舊書七年五月乙酉大風拔木五月甲寅舊書

紀四月甲申大風拔木貞元元年七月庚子大風拔木六

年四月甲申大風雨舊書紀四月甲申大風雷是年春旱至閏月戊午始雨此兩字

疑誤當從舊書作雷八年五月己未暴風發太廟屋瓦毀門闕

官署廬舍不可勝紀十年六月辛未大風拔木十四

年八月癸未廣州大風壞屋覆舟元和元年六月丙

申大風拔木三年四月壬申大風壞舍元殿欄檻二

十七間占為兵起四年十月壬午天有氣如煙臭如

燔皮日暎大風而止五年三月丙子大風毀崇陵上

宮衙殿鴟尾及神門戟竿六壞行垣四十間舊書紀五年三

月甲子大風折木八年三月丙子大風毀崇陵宮殿鴟尾此五年下闕三月甲子以下文三月上當有八年二

字八年六月庚寅京師大風雨毀屋飄瓦人多壓

死者丙申富平大風拔棗木千餘株十二年春青州

一夕暴風自西北天地晦冥空中有若旌旗狀屋瓦

上如蹂躪聲有日者占之曰不及五年茲地當大殺

戮長慶二年正月己酉大風霾十月夏州大風飛沙

為堆高及城堞三年正月丁巳朔大風昏霾終日四

年六月庚寅舊書五月庚辰誤大風毀延喜門及景風門大

和八年六月癸未暴風舊書暴風雷雨壞長安縣署及經行

寺塔九年四月辛丑大風拔木萬株墮舍元殿四鴟

尾拔殿庭樹三壞金吾仗舍發城門樓觀內外三十餘所光化門西城十數雉壞壞城牆七十七步是日廢長生院起內道場取

李訓言沙汰僧尼故也開成三年正月戊辰大風拔木五年四月甲子大風拔木五月壬寅亦如之七月戊寅亦如

之會昌元年三月黔南大風飄瓦咸通六年正月絳州大風拔木有十圍者十一月巳卯晦潼關夜中大

風山如吼雷河噴石鳴羣鳥亂飛潼關傾側十二月大風拔木乾符五年五月丁酉大風拔木廣明元年

四月甲申京師及東都汝州雨雹大風拔木四年案廣明二年七月改元中和六月乙巳舊書紀在廣明二年五月辛酉當從

廣明無四年四當作二

舊書太原大風雨拔木千株害稼百里光化三年七月

乙丑舊書紀七月丁亥朔無乙丑洛州大風拔木發屋天復二年

昇州大風發屋飛大木

夜妖大和九年十一月戊辰晝晦咸通七年九月辛卯

朔舊書紀是年正月戊寅朔有閏則九月無辛卯且辛卯亦不應是朔皆誤也新書紀在八月當從紀

天閣乾符二年二月宣武境內黑風雨土天祐元年

閏四月乙未朔大風雨土舊書紀甲辰案下文黃晉黃祥亦作甲辰

華孽延載元年九月內出梨花一枝示宰相萬木搖落而生華陰陽黷也傳曰天反時為災又近常燠也神

龍二年十月陳州李有華鮮茂如春元和十一年十

二月桃杏華大和二年九月徐州滑州李有華實可
食會昌三年冬沁源桃李華廣明元年冬桃李華山
華皆發中和二年九月太原諸山桃杏華有實景福
中滄州城塹中冰有文如畫大樹華葉芬敷者時人
以為其地當有兵難近華孽也

羸蟲之孽貞觀二十一年八月萊州螟開元二十二年

八月榆關蚘蚘蟲害稼入平州界有羣雀來食之一
日而盡二十六年榆關蚘蚘蟲害稼羣雀來食之三

載三載上當有天寶文青州紫蟲食田有鳥食之廣德元年秋

蚘蚘蟲害稼關中尤甚米斗千錢永泰二年二月京城槐樹有蟲食葉

其形類蠶貞元十年四月江西溪澗魚頭皆戴蚯蚓長慶

四年絳州蚘蚘蟲害稼大和元年秋河東同號等州

蚘蚘蟲害稼開成元年京城有蟻聚長五六十步澗

五尺至一丈厚五寸至一尺者四年河南黑蟲食田

牛禍調露元年春牛大疫京房易傳曰牛少者穀不成

又占曰金革動長安中有獻牛無前膊三足而行者

又有牛膊上生數足蹄甲皆具者武太后從姊之子

司農卿宗晉卿家牛生三角神龍元年春牛疫二年

冬牛大疫先天初洛陽市有牛舊書作羊左脇有人手長

一尺或牽之以乞丐開元十五年春河北牛大疫大

厯八年武功櫟陽民家牛生犢二首貞元二年牛疫

四年二月郊牛生犢六足太僕卿周皓白宰相李泌請上聞泌笑而不答足

多者下不一郊所以奉天七年關輔牛大疫死者十

五六咸通七年荊州民家牛生犢五足十五年夏渝

州江陽有水牛生驢駒駒死光啟元年河東有牛人

言其家殺而食之二年延州膚施有牛死復生

黃胄黃祥貞觀七年三月丁卯案三月無丁卯新書雨紀在二月當從紀

土二十年閏三月己酉有黃雲潤一丈東西際天黃

為土功永徽三年三月辛巳雨土景龍元年六月庚

午陝州雨土十二月丁丑雨土天寶十三載二月丁

丑舊書紀甲申雨黃土大厯七年十二月丙寅雨土貞元

二年四月甲戌雨土八年二月庚子雨土大和八年

十月甲子舊書紀九月己酉朔則十月無甲子土霧晝昏至於十一月

癸丑開成元年七月乙亥雨土咸通十四年三月癸

巳舊書紀庚午雨黃土中和二年舊書紀元年當從舊書五月辛酉

大風雨土天復三年二月雨土天地昏霾天祐元年

閏四月甲辰大風雨土

木火金水沴土武德二年十月乙未兩書紀乙未皆在九月此十月誤

京師地震陰盛而反常則地震故其占為臣強為后

妃專恣為夷犯華為小人道長為寇至為叛臣七年

七月嵩州地震山摧壅江水噎流貞觀七年十月乙丑京師地震十二年正月壬寅松叢二州地震壞廬舍二十年九月辛亥靈州地震有聲如雷二十三年八月癸酉朔河東地震晉州尤甚壓殺五十餘人乙亥又震十一月乙丑又震永徽元年四月己巳朔晉州地震己卯又震六月庚辰又震有聲如雷二年十月又震高宗顧謂侍臣曰朕政教不明使晉州之地屢有震動侍中張行成曰天陽也地陰也陽君象陰臣象君宜轉動臣宜安靜今晉州地震彌旬不休臣將恐女謁用事大臣陰謀且晉州陛下本封今地屢震尤彰其應伏願深思遠慮以杜其萌帝深然之十一月戊寅舊書紀定襄地震帝始封晉王初卽位而地屢震天下將由帝

而動搖象也儀鳳二年正月庚辰京師地震永淳元年十月甲子京師地震垂拱三年七月乙亥京師地震四年七月戊午又震八月戊戌神都地震延載元年四月壬戌常州地震大足元年七月乙亥揚楚常潤蘇五州地震二年八月辛亥劍南六州地震景龍四年五月丁丑剡縣地震景雲三年正月甲戌并汾絳三州地震壞廬舍壓死百餘人開元二十二年二月壬寅秦州地震西北隱隱有聲拆而復合經時不止壞廬舍殆盡壓死四千餘人舊書百餘人元宗令右丞相蕭嵩致祭山川又遣倉部員外郎韋伯陽往宣慰存恤所損之家二十六年三月癸巳京師

地震至德元載十一月辛亥朔河西地震裂有聲陷

廬舍張掖酒泉尤甚至二載三月癸亥乃止舊書六月始止

誤大厯二年十一月壬申京師地震自東北來其聲

如雷者三三年五月丙戌舊書紀三月乙巳朔則五月無丙戌案紀三年五月

癸亥地震四年五月丙戌京師地震新書蓋合兩年之震誤作一年故上書三年下書丙戌也又震

四年二月丙辰夜京師地震有聲如雷者三十二年恒定二州地大震三

日乃止東鹿寧晉地裂數丈沙石隨水流出平地壞

廬舍壓死者數百人建中元年四月己亥京師地震

三年六月甲子又震四年四月甲子又震五月辛巳

又震貞元二年五月己酉又震三年十一月丁丑舊書

巳卯夜京師東都蒲陝地震是夕者三巢鳥皆驚人多去室四年三月

庚戌朔夜京師地震辛亥壬子丁卯戊辰庚午癸酉

甲戌乙亥皆震金房二州尤甚江溢山裂屋宇多壞

人皆露處二月壬午京師又震甲申乙酉丙申三月

甲寅巳未庚午辛未五月丙寅丁卯皆震八月甲午

又震有聲如雷甲辰又震九年四月辛酉又震有聲

如雷河中關輔尤甚壞城壁廬舍地裂水湧十年四

月戊申京師地震癸丑又震侍中渾瑊第有樹湧出

樹枝皆戴蚯蚓十三年七月乙未又震震從東來元須臾而止

和七年八月新書紀九月京師地震草樹皆搖憲宗謂侍臣曰昨地

震草樹皆搖何祥異也幸相李絳曰昔周時地震三川竭太史伯陽甫謂周君曰天地之氣不過其序若過其序人政亂也人政乖錯則上感陰陽之氣陽伏而不能出陰迫而不能升於是地震又孔子修春秋所紀災異先地震日食蓋地載萬物日君象政有感傷天地見書之示戒用儆後王伏願陛下體勵虔恭之誠動以利萬物綏萬方為念則變異自消休徵可致

九年三月丙辰嵩州地震晝夜八十壓死百餘人地陷者三十里十年十月

京師地震十一年二月丁丑舊書紀正月辛酉朔則二月無丁丑案新書紀

十一月二年乙丑地震又十二年正月丁丑地震蓋合兩年之震作一年故上書十一年二月下書丁丑

又震十五年正月穆宗即位戊辰舊書紀戊辰是閏正月戊辰上闕閏

文始朝羣臣於宣政殿是夜地震大和二年正月壬

申地震七年六月甲戌又震九年三月乙卯京師地

震屋瓦皆墜戶牖間有聲開成元年二月乙亥又震

二年十一月乙丑夜又震四年十一月甲戌又震會

昌二年正月癸亥宋亳二州地震十二月癸未京師

地震大中三年十月辛巳上都及振武河西天德靈

武鹽夏等州地震壞廬舍壓死數十人十二年八月

丁巳太原地震咸通元年五月上都地震六年十二

月晉絳二州地震壞廬舍地裂泉湧泥出青色八年

正月丁未河中晉絳三州地大震壞廬舍人有死者

十三年四月庚子朔浙東西地震乾符三年六月乙

丑雄州地震至七月辛巳止州城廬舍盡壞地陷水

湧傷死甚衆是月濮州地震十二月京師地震有聲
四年六月庚寅雄州地震六年二月京師地震有聲
如雷藍田山裂水湧中和三年秋晉州地震有聲如
雷光啟二年春成都地震月中十數占曰兵饑十二
月魏州地震乾寧二年三月庚午河東地震

山摧

武德六年七月二十日
嵩州山崩州水咽流

貞觀八年七月隴右山崩大蛇屢見太宗問祕

書監虞世南曰是何災異對曰春秋時梁山崩晉侯
召伯宗而問焉對曰國主山川故山崩川竭君爲之
不舉降服出次祝幣以禮焉晉侯從之卒亦無害漢
文帝九年齊楚地二十九山同日崩文帝出令郡國
無來獻施惠於天下遠近歡洽亦不爲災後漢靈帝
時青蛇見御座晉惠帝時大蛇長三百步經市入廟
今蛇見山澤蓋深山大澤實生龍蛇亦不足怪也唯

修德可以消
變上然之

山者高峻自上而隕之象也垂拱二年

九月

舊書
十月

己巳雍州新豐縣露臺鄉大風雨震電有

山湧出高二十丈有池周三百畝池中有龍鳳之形
禾麥之異武后以爲休應名曰慶山荊州人俞文俊
上言天氣不和而寒暑隔人氣不和而贅疣生地氣
不和而堆阜出今陛下以女主居陽位反易剛柔故
地氣隔塞山變爲災陛下以爲慶山臣以爲非慶也
宜側身修德以答天譴不然恐災禍至后怒流於嶺
南永昌中華州赤水南岸大山晝日忽風昏有聲隱
隱如雷頃之漸移東數百步擁赤水

華州敷水店西
南坡白晝飛四

五里直抵赤水壓張村民三十餘家山高二百餘丈水深三十丈坡上草木宛然金滕曰山徙者人君不用道祿

去公室賞罰不由君佞人執政政在女主不出五年

有走王開元十七年四月乙亥舊書紀丁亥五行志四月五日案四月之

朔非庚申即辛酉據志則固非丁亥亦非乙亥大風震電藍田山摧裂百餘

步畿內山也國主山川山摧川竭亡之證也占曰人

君德消政易則然大厯九年十一月戊戌同州夏陽

有山徙於河上聲如雷十三年郴州黃岑山摧壓死

者數百人建中二年霍山裂元和八年五月丁丑大

隗山摧十五年七月丁未苑中土山摧壓死二十人

光啟三年四月維州山崩累日不止塵壅且天壅江

水逆流占曰國破

山鳴武德二年三月太行山聖人崖有聲占曰有寇至

開元二十八年六月吐蕃圍安戎城斷水路城東山

鳴石坼湧泉二

土為變怪垂拱元年九月淮南地生毛或白或蒼長者

尺餘徧居人牀下揚州尤甚大如馬鬣焚之臭如燎

毛占曰兵起民不安長壽中東都天宮寺泥像皆流

汗霖霖天寶十一載舊書十載六月虢州閿鄉黃河中

女媧墓因大雨晦冥失其所在至乾元二年六月乙

未夜瀕河人聞有風雷聲曉見其墓踊出下有巨石

二 巨石 上有雙柳各長丈餘時號風陵堆占曰塚墓自

移天下破十三載汝州葉縣南有土塊鬪中有血出

數日不止大厯六年四月戊寅藍田西原地陷建中

初魏州魏縣西四十里地數畝忽長崇數尺明年魏博田悅反德宗命

河東馬燧潞州李抱真討之營於陘山幽州朱滔恒

州王武俊率兵救田悅王師退保魏縣西朱滔武俊

田悅引軍與王師對壘三年十一月朱滔僭稱冀王

武俊稱趙王田悅稱魏王悅時壘正當土長之所及

僭署告天乃因其長土為壇以祭魏州功曹韋稔

為益土頌以媚悅燧聞之笑曰田悅異常賊也 四

年四月甲子京師地生毛或黃或白有長尺餘者貞

元四年四月淮南及河南地生毛元和十二年四月

吳元濟鄆城守將鄧懷金以城降城自壞五十餘步

大和六年二月蘇州地震生白毛長慶中新都大道

觀泥人生須數寸拔之復生成通五年十月貞陵隧

道摧陷神策軍有浮屠像懿宗嘗跪禮之像沒地四

尺

五行傳曰好攻戰輕百姓飾城郭侵邊境則金不從革

謂金失其性而為變怪也又曰言之不從是謂不义厥

咎僭厥罰常暘厥極憂時則有詩妖訛言時則有毛蟲

之孽時則有犬禍時則有口舌之病時則有白眚白祥

惟木沴金

金不從革堯君素為隋守蒲州兵器夜皆有光如火火
 爍金金所畏也敗亡之象劉武周據并州兵勢甚盛
 城上稍及夜每有火光貞觀十七年八月四涼州書
 原昌松縣鴻池谷有石五青質白文成字曰高皇海
 出多子李元王八十年太平天子李世民千年太子
 李治書燕山人士樂大國主尚汪譚獎文仁邁千古
 大王五王六王七王十風舊書作風毛才子七佛八菩薩
 及上果佛田天子文武貞觀昌大聖延四方上下治
 示孝先戈八為善太宗遣使祭之曰天有成命表瑞
 貞石文字昭然麻數惟永既旌高廟之業又錫眇身

之祚迨於皇太子治亦降貞符具紀姓氏甫惟寡薄

彌增寅懼其年十一月三日遣使祭之曰嗣天子某

道德齊禮媿於前修天有成命表瑞貞石文字昭然

麻數惟永既旌高廟之業又錫眇身之祚迨於皇太

子治亦降貞符具紀姓氏列於石言仰瞻睿漢空銘大

造甫惟寡薄彌增寅懼敢因大禮重薦玉帛上謝明靈

之賦以申昔魏以土德代漢涼州石有文石金類以

祇慄之誠五勝推之故時人謂為魏氏之妖而晉室之瑞唐亦

土德王石有文事頗相類然其文初不可曉而後人

因推已事以驗之蓋武氏革命自以為金德王其佛

菩薩者慈氏金輪之號也樂太國主則鎮國太平公

主安樂公主皆以女亂國其五王六王七王者唐世

十八之數垂拱三年七月魏州地出鐵如船數十丈
 廣州雨金金位正秋為刑為兵占曰人君多殺無辜
 一年兵災於朝開元二十三年十二月己巳龍池聖
 德頌石自鳴其音清遠如鐘磬石與金同類春秋傳
 怨讟動於民則有非言之物言石鳴近石言也天寶
 十載六月乙亥大同殿前鐘自鳴占曰庶雄為亂至
 德二載昭陵石馬汗出昔周武帝之克晉州也齊有
 石像汗流濕地此其類也乾元二年七月乙亥晝渾
 天儀有液如汗下流上元三年楚州獻寶玉十三楚州
崔旆獻定曰元黃天符形如笏長八寸有孔云辟兵
國寶十三

疫曰玉雞毛

舊書肅宗紀二曰玉雞毛文悉備白玉也毛字屬下句此云玉雞毛似不成文

蓋沿舊書五行志而誤毛字衍也

白玉也

以孝理天下則見

曰穀璧亦白玉

也粟粒自然無雕鏤迹

王者得之五穀豐熟

曰西王母白環二

所在處外國歸伏○舊書肅宗紀五日碧色寶圓而有光亦沿舊志而闕

曰如意寶珠大

如雞卵曰紅鞞鞞大如巨粟曰琅玕珠二形如玉環

四分缺一

舊書九曰玉玦形如玉環四分缺一此脫上句

曰玉印大如半手

理如鹿陷入印中曰皇后採桑鉤如箸屈其末曰雷

公石斧無孔其一闕凡十三寘之日中白氣連天

初楚

州有尼曰真如忽有人接之升天天帝謂之曰下方有災令第二寶真之即以十三寶付真如時肅宗方不豫以為瑞乃改元寶應仍傳位皇太子此近白祥也 元和中文水武士護碑

失其龜頭翰林院有鈴夜中文書入則引之以代傳
呼長慶中河北用兵夜輒自鳴與軍中息耗相應聲
急則軍事急聲緩則軍事緩資州有石方丈走行數
畝寶曆二年五月神策軍修苑內古漢宮掘得白玉牀其長六尺以獻大和三年南蠻
圍城都毀玉晨殿爲礪有吼聲三乃止四年五月己
卯通化南北二門鑰不可開鑰入如有持之者破其
管門乃啟又浙西觀察使王璠治潤州城隍中得方
石有刻文曰山有石石有玉玉有瑕瑕卽休廣明元
年華岳廟元宗御製碑隱隱然有聲聞數里間浹旬
乃止近石言也光化三年冬武德殿前鐘聲忽嘶嘎

天復元年九月聲又變小

常暘武德三年夏旱至於八月乃雨四年自春不雨至
於七月雨少陰之氣其氣毀則不雨少陰者金也金
爲刑爲兵刑不辜兵不戢則金氣毀故常爲旱火爲
盛陽陽氣強悍故聖人制禮以節之禮失則僭而驕
炕以導盛陽火勝則金衰故亦旱於五行土實制水
土功興則水氣壅闕又常爲旱天官有東井主水事
天漢天江亦水祥也水與火仇而受制於土土火
謫見若日蝕過分而未至與七曜循中道之南皆旱
祥也七年秋關內河東旱貞觀元年夏山東大旱二

年春旱三年春夏旱四年春旱自太上皇傳位至此
而比年水旱九年秋劍南關東州二十四旱十二年
吳楚巴蜀州二十六旱冬不雨至於明年五月十七
年春夏旱二十一年秋陝絳蒲夔等州旱二十二年
秋開萬等州旱冬不雨至於明年三月永徽元年京
畿雍同絳等州大旱二年九月不雨至於明年二月
四年夏秋旱光葵滁潁等州尤甚顯慶五年春河北
州二十二旱總章元年京師及山東江淮大旱二年
七月劍南州十九旱冬無雪咸亨元年春旱秋復大
旱儀鳳二年夏河南河北旱三年四月旱永隆二年

關中旱霜大饑永淳元年關中大旱饑二年夏河南
河北旱永昌元年三月旱神功元年黃隨等州旱久
視元年夏關內河東旱長安二年春不雨至於六月
三年冬無雪至於明年二月神龍二年冬不雨至於
明年五月京師山東河北河南旱饑死者二千餘人太極元
年春旱七月復旱開元二年春大旱十二年七月河
東河北旱帝親禱雨宮中設壇席暴立三日九月蒲
同等州旱十四年秋諸道州十五旱十五年諸道州
十七旱十六年東都河南宋亳等州旱二十四年夏
旱永泰元年春夏旱二年關內大旱自三月不雨至

於六月大厯六年春旱至於八月建中三年自五月不雨至於七月興元元年冬大旱貞元元年春旱無

麥苗至於八月旱甚灞澹將竭井皆無水京師大亂之後李懷

光據河中諸軍進討國用罄竭衣冠之家多有殍殍者有司奏國用裁可支七旬德宗減膳不御正殿百司不急之務皆減之六年春關輔大旱無麥苗夏淮南浙西福

建等道大旱井泉竭人暍且疫死者甚衆七年楊楚

滁壽澧等州旱十四年春旱無麥十五年夏旱十八

年夏申光蔡州旱十九年正月不雨至七月甲戌乃

雨永貞元年秋江浙淮南荆南湖南鄂岳陳許等州

二十六旱元和三年淮南江南江西湖南廣南山南

東西皆旱四年春夏大旱秋淮南浙西江西江東旱

七年夏揚潤等州旱八年夏同華二州旱十五年夏

旱寶厯元年秋荆南淮南浙西江西湖南及宣襄鄂

等州旱大和元年夏京畿河中同州旱罷選舉舊書紀在八年罷

六年河東河南關輔旱七年秋大旱八年夏江淮及

陝華等州旱九年秋京兆河南河中陝華同等州旱

開成二年春夏旱京師尤甚徙市閉坊南門四年夏旱浙東尤甚

天下旱蝗食田禱祈無效上憂形於色宰臣曰星官奏天時當爾乞不過勞聖慮文宗悚然改容曰朕為天下主無德及人致此災旱今又彗星謫見於上若三日內不雨當退歸南內卿等自選賢明之君以安天下宰臣等皆會昌五年春旱六年春雨冬又不雨
嗚咽流涕不已

至明年二月大中四年大旱咸通二年秋淮南河南
不雨至於明年六月九年江淮旱十年夏旱十一年
夏旱廣明元年春夏大旱中和四年江南大旱饑人
相食景福二年秋大旱光化三年冬京師旱至於四
年春

詩妖

隋末有謠云桃李子洪水繞楊山煬帝疑李氏有受命之符故誅李金才後李密據洛口倉以應其

讖

寶建德未敗時有謠曰豆入牛口勢不得久貞觀


十四年交河道行軍大總管侯君集伐高昌先是其
國中有童謠曰高昌兵馬如霜雪漢家兵馬如日月
日月照霜雪回首自消滅永徽後民歌武媚娘曲調

露初京城民謠有側堂堂橈堂堂之言太常丞李嗣
真曰側者不正撓者不安自隋以來樂府有堂堂曲
再言堂者唐再受命之象永淳元年七月東都大雨
人多殍殍先是童謠曰新禾不入箱新麥不入場迨
及八九月狗吠空垣牆高宗自調露中欲封嵩山屬
突厥叛而止後又欲封以吐蕃入寇遂停時童謠曰
嵩山凡幾層不畏登不得但恐不得登三度徵兵馬
傍道打騰騰高宗至山下遭疾還宮而崩永徽末里歌有桑條韋
也女時韋也樂龍朔中時人飲酒令曰子母相去離
連臺拘倒俗謂盃盤謂子母又名盤爲臺卽中宗廢於房州之

應也又里歌有笑厥鹽及則天遣尚書閻知微送武延秀立知微為可汗挾之入寇

永淳後民歌曰楊柳楊柳漫頭駝垂拱後東都有契
苾兒歌皆淫豔之詞契苾張易之小字也如意初里
歌曰黃鸞黃鸞草裏藏彎弓射爾傷其後王孝傑敗
於黃鸞谷神龍以後民謠曰山南烏鵲窠山北金駱
駝鎌柯不鑿孔斧子不施柯山南唐也烏鵲窠者人
居寡也山北胡也金駱駝者虜獲而重載也安樂公
主於洛州造安樂寺童謠曰可憐安樂寺了了樹頭
懸景龍中民謠曰黃犢犢子挽勒斷兩足踏地鞮羸
斷城南黃犢犢子韋又有阿緯娘歌時又謠曰可憐

聖善寺身著綠毛衣牽來河裏飲踏殺鯉魚兒元宗
在潞州有童謠曰羊頭山北作朝堂天寶中有術士
李遐周於元都觀院廡間為詩曰燕市人皆去函關
馬不歸人逢山下鬼環上繫羅衣而人皆不悟近詩
妖也又祿山未反時童謠曰燕燕飛上天天上女兒
鋪白氈氈上有千錢時幽州又有謠曰舊來誇戴竿
今日不堪看但看五月裏清水河邊見契丹德宗時
或為詩曰此水連涇水雙眸血滿川青牛逐朱虎方
號太平年近詩妖也朱泚未敗前兩月有童謠曰一
隻筋兩頭朱五六月化為胆元和初童謠曰打麥打



麥三三三乃轉身曰舞了也

及武元衡爲盜所害是元和十年六月三日

大和末京師小兒疊布漬水紐之向日謂之曰拔暈
咸通七年童謠曰草青青被嚴霜鵲始後看顛狂十
四年成都童謠曰咸通癸巳出無所之蛇去馬來道
路稍開頭無片瓦地有殘灰是歲歲陰在巳明年在
午巳蛇也午馬也僖宗時童謠曰金色蝦蟆爭努眼
翻却曹州天下反乾符六年童謠曰八月無霜寒草
青將軍騎馬出空城漢家天下西巡狩猶向江東更
索兵中和初童謠曰黃巢走泰山東死在翁家翁
訛言貞觀十七年七月民訛言官遣棖棖殺人以祭天

狗云其來也身衣狗皮鐵爪每於閭中取人心肝而
去於是更相震怖每夜驚擾皆引弓劍自防無兵器
者剡竹爲之郊外不敢獨行太宗惡之令通夜開諸
坊門宣旨慰諭月餘乃止武后時民飲酒謳歌曲終
而不盡者謂之族鹽開元二十七年十月改作東都
明堂訛言官取小兒埋明堂下以爲厭勝村野兒童
藏於山谷都城騷然或言兵至元宗惡之遣使慰諭
遣主客郎中王佶往東都及諸州宣慰百姓久之乃止天寶三載二月舊書
紀在閏月二辛亥有星如月墜於東南墜後有聲京
師訛言官遣棖棖捕人取肝以祭天狗人頗恐懼畿

內尤甚遣使安諭之與貞觀十七年占同天寶後詩
人多爲憂苦流寓之思及寄興於江湖僧寺而樂曲
亦多以邊地爲名有伊州甘州涼州等至其曲徧繁
聲皆謂之入破又有胡旋舞本出康居以捷轉便捷
爲巧時又尚之破者蓋破碎云建中三年秋江淮訛
言有毛人食其心人情大恐朱泚旣僭號名其舊第
曰潛龍宮移內府珍貨以實之占者以爲易稱潛龍
勿用此敗祥也大和九年京師訛言鄭注爲上合金
丹生取小兒心肝密旨捕小兒無算往往陰相告曰
某處失幾兒矣

上恐遣中使
諭之乃止

方士言金丹可致神仙

蓋誕妄不經之語或信而服之則發熱多死如有所
戒云小兒無辜者取其心肝將有殺戮象劉從諫未
死時潞州有狂人折腰於市曰石雄七千人至矣從
諫捕斬之咸通十四年秋成都訛言有獐母鬼夜入
人家民皆恐夜則聚坐或曰某家見鬼眼晃然如燈
焰民益懼黃巢未入京師時都人以黃米及黑豆屑
蒸食之謂之黃賊打黑賊僖宗時里巷鬪者激怒言
任見右廂天子

毛蟲之孽永徽中河源軍有狼三晝入軍門射之斃

黑齒

常之戍河源軍常之懼求代
將軍李謹代常之軍月餘卒

永淳中嵐勝州免害稼

千萬為羣食苗盡免亦不復見開元三年有熊晝入

揚州城月餘都督李處鑿卒乾元二年十月詔百官上勤政樓

觀安西兵赴陝州有狐出於樓上獲之永泰二年十一月乾陵赤

兔大厯二年三月河四年八月己卯虎入京師長壽

坊宰臣元載家廟射殺之將軍周皓格殺之虎西方之屬威

猛吞噬刑戮之象六年八月丁丑獲白兔於太極殿

之內廊占曰國有憂白喪祥也建中三年二月己亥

舊書紀正月乙卯朔是夜虎入宣陽里傷人二詰朝

獲之貞元二年二月乙丑有野鹿至於含元殿前獲

之壬申又有鹿至於含元殿前獲之占曰有大喪四

年三月癸亥舊書癸丑紀戊申有鹿至京師西市門獲之元和

七年十一月龍州武安川會田中嘉禾生有麟食之復生麟之來一鹿引之羣鹿隨之光華不可正視使

畫工圖麟及嘉禾來獻開成四年四月有麋出於太廟獲之

犬禍武德三年突厥處羅可汗將入寇夜聞羣犬嗥而

不見犬武后初酷吏邱神勣家狗生子皆無首當項

有孔如口晝夜鳴吠俄失所在神功元年安國獻兩

首犬首多者上不一也天寶十一載李林甫晨起盥

飾將朝取書囊視之中有物如鼠躍於地即變為狗

壯大雄目張牙視林甫林甫射之中殺然有聲隨箭

沒貞元七年趙州栢鄉民李崇貞家黃犬乳犢會昌

三年定州深澤令家狗生角大中初狗生角京房曰
執正失將害之應又曰君子危陷則狗生角咸通中
會稽有狗生而不能吠擊之無聲狗職吠以守禦其
不能者象鎮守者不能禦寇之兆成汭爲荆南節度
使城中犬皆夜吠日者向隱以爲城郭將邱墟中和
二年秋丹徒狗與彘交占曰諸侯有謀害國者

白眚白祥調露元年十一月壬午泰山神亭治北霧開
如日初耀有白鹿白狼見近白祥也神龍二年四月
巳亥雨毛於越州之鄞縣占曰邪人進賢人遁大厯
二年七月甲戌日入時有白氣亘天九月戊午夜白

霧起西北亘天五年五月甲申西北有白氣亘天舊書

天文志六月甲寅白氣出西北方亘天
案本紀無疑卽五月甲申而重出也貞元二十年

九月庚辰甲夜有白氣入東西際天大和三年八月
西方有白氣如柱七年十月巳酉西方又有白氣如
柱者三光啟二年四月有白氣頭黑如髮自東南入
於揚州滅光化二年三月乙巳日中有白氣亘天自
西南貫於東北天復元年八月巳亥西方有白雲如
履底中出白氣如匹練長五丈上衝天分爲三彗頭
下垂占曰天下有兵白者戰祥也

木沴金神龍中東都白馬寺鐵像頭無故自落於殿門

外其後姚崇秉政以惠範附太平亂政乃澄汰天寶
僧尼不令拜父母午後不出院其法頗峻
 五載四月宰臣李適之常列鼎具膳羞中夜鼎躍出
 相鬪不解鼎耳及足皆折

唐書卷第五十四

文政壬午

